

施秉縣志複製說明

施秉縣志，二卷，民國九年施秉縣知事朱嗣元修，錢九國等纂，未刊。原稿存施秉縣檔案館。

原稿所用書名，除「施秉縣志」外，并有「續修貴州施秉縣志」、「續修貴州通志施秉縣徵集編纂採訪稿」等，今統一作「施秉縣志」。

原稿目錄中有「敘文」、「凡例」、「輿圖（施秉縣全境圖、施秉縣城街道圖）」、「金石」、「書目」等，有目無文，故未印入。

複製時除改正了部份錯別字外，並據「鎮遠府志」

施秉縣志

複製說明

等有關於志書對有關文字作了校正。凡經校改之字，均與原字對照，編入「校字表」，附于書末，以供參攷。複製本如有不妥之處，歡迎批評指正。

承施秉縣檔案館借給藏本，謹此致謝。

貴州省圖書館

一九六五年三月

施秉縣志徵集編纂採訪職員

徵集

八等嘉禾章施秉縣知事

朱嗣元

乾初
貢定

編纂

施秉縣對學所所長

錢光國

廣于
施秉

施秉縣女子高等小學校校長

楊名勝

顯盛
施秉

施秉縣高等小學校校長

彭廷瀛

蘭軒
施秉

採訪

施秉縣高等小學校教員

李錦城

春荷
施秉

施秉縣世襲偏橋右土司

楊再著

育蓀
施秉

施秉縣志

纂輯姓名

施秉縣屬清優增生

嚴孝坤

壽祺
施秉

施秉縣團防局協理

宋士林

竹君
施秉

施秉縣屬清歲貢生

楊秀南

梅村
施秉

施秉縣屬清歲貢生

張芬林

芷晉
施秉

施秉縣屬清歲貢生

楊綬昌

紫封
施秉

繕校

施秉縣高等小學畢業生

韓文明

錦章
施秉

施秉縣高等小學畢業生

楊正忠

信臣
施秉

施秉縣志目錄

纂輯姓氏

目錄

卷一

圖說

山脈

水道

城池

公署公所

關梁

施秉縣志

目錄

上

壇廟祠宇寺觀

市集村寨

倉儲

職官

學制書院

學堂

兵事

營汛驛站

圍防保甲警察

物產

風俗

氣候

農桑

工業

商

林

礦

宦蹟

鄉賢

卷二

施秉縣志

目錄

三

列女

土司

古蹟

藝文

施秉縣志卷一

圖

施秉縣在省城東北四百一十里當西經八度北緯二十七度東界縣屬之槐樹坡四十二里西界黃平縣屬之界字碑三十五里南界黃平縣屬之李家橋即與台拱縣分界之清水江計程五十五里北界石阡縣屬之濫泥山一百里東南界台拱縣屬之川碕及鎮遠縣屬之打龍溝計程一百二十里西南界黃平縣屬之龍洞河四十里東北抵鎮遠縣屬之路蜡場八十里西北抵黃平縣屬之老渡橋五十里橫廣約九十里縱長約一百四十里面積共約一萬二千六千方里

施秉縣志

圖說

四

施秉山脈畧分四支中二支與南支均由黃平而來北支則由餘慶而來

西華山中支之一也其源名太陽山在黃平縣城東北至縣屬濫橋入境蜿蜒而東計行三十里至縣城而止

九龍山亦中支也在西華山之北其源名十萬營在黃平舊州城北至縣屬黃連箐入境東北行九十里至塘頭一束忽折而南經老寨場殿山鹽井計程七十里而至馬鞍山再東行過高王寨而出鎮遠西境

南支之源名架梁山在黃平縣東南至縣屬六梯坪入境

施秉縣志

山脈

五

東行至鎮遠縣屬西南境老合哨計程五十里再折而南行經勝秉分縣出鎮遠南境計程六十里

北支名佛頂山自餘慶之翠屏山發源至縣屬譚家寨後山入境東行五十里出石阡縣西南境

佛頂山在城北上元寨後拔地二萬餘尺山頂常為霧霞覆蓋非天氣清明纖雲四捲之時恒難見其真面目也洵

縣屬第一高山也

九龍山在城之北塘頭山有九井為縣屬第二高山

馬鞍山在城東北鹽井山高且長兩端突起中間微凹其

形酷類馬鞍為縣屬境內第三高山

牛塘山 在城西北馬溪屯佛頂山側綿亘無際頂有一池
澄潭碧綠

冬麓山 舊縣城內崗壑重複四面陡絕

天馬山 在城正南為學宮前案俗名南門坡

玉屏山 在城東獨立如屏蒼翠欲滴

水道

施秉水道在南北二江南江名前江又名清江北江名欽陽江又名濠水兩江均通舟楫

前江 其源有二一出麻哈之兩岔江繞平越清平而至黃平西南流名重安江一出都勻之山澗東流入清平南境再流入黃平西南境而與重安江會合名曰清水江再東流至鎮刀灣以下始入縣屬南境又東流四十里與台拱縣之小江會合又東流四十里又入台拱縣屬之五岔寨下入湖廣西二至黔陽縣與鎮陽江會合名曰沅江

鎮陽江 其源發於黃平亦分二支一出黃平舊州西境名

施秉縣志

水道

七

都曰水至舊州西門名西門河東北流至老洞始入縣屬北境東流三十里繞北城而折向東流與小江會合一出黃平縣城之西北名廣洞河至城下名北門河東流至三灣河始入縣境又東北流四十里至城東兩江口與大江會合名鎮陽江由沅江口東流三十五里入鎮遠縣屬之界溪灘由鎮遠沿溪至屏而至湖南沅州名沅江下至黔陽始與前江會合

杉木河 在城正北其源有二一名黃竹河一名謝家院河

黃竹河又有二源一在又缸河一在土地坪謝家院河之源有九以塘頭一塘為最大可汎河餘則茶園龍洞通古

坪為處山澗細流而已兩河至張苑洞二合公水勢益大
可通小舟南流至瀾白巖而入鎮陽江

瓦橋河 在城正北其源有二一出西北菁中一出高家莊
沙井至王家屯會合南流至大頭坡飛巖而名曰百丈
泉折向東流入鎮陽江

下坪河 在城西北其源有三一出平冒侯家屯經老渡橋
金台山三洞壩熊洞一由母豬龍出紅巖山與熊洞水合
而為東流至小塘河再折向東南行至三畝塘入鎮陽江
藍橋河 在城西南源出黃平之毛耳洞經後壩藍橋馬路
峭南流至飛水而入小河

施秉縣志

水道

八

木江河 在城西南源出水浸坡經秤勾坡木江南流至漆
家壩而入小河

缸口河 在城南源出黃平屬之龍洞河巖孔經白寨北流
至缸口入小河

巖頭河 在城南源出白洗經小米山而至巖頭寨北流入
小河

高洞河 在城南源出石人冲經丁家橋至高洞而入小河
地南河 在城東南源出地南潛行八里至白沙井而出過
大石板至宋家冲入小河

江凱河 在城東北源出小屯經過水江江凱洞口而出沙

坪北流入鎮陽江又一源出雙哨龍王廟大龍井經過下
雙哨而下洞口與小屯之水會合

雙哨河 在城北源出雙哨史家冲巖洞至毛家山落入洞
中潛行十餘里至皂角屯岩壁而出南流入鎮陽江

乾溪河 在城東北其源有二一出馬鞍山麓一出白菓樹
之日光洞至沙溝會合則入沙潛行至龍塘河復出南流

入鎮陽江

土橋河 在城東源出王家屯井中至土橋入沙潛行十數
里至高坡轟之坡腳復出南流入鎮陽江

相見河 在城東源出鹽井井中經高王寨坡腳過鵝起勝

施秉縣志

水道

至界溪南流入鎮陽江

望江河 在城東源出阿鳩寨花山經望江翁沙北流入鎮

陽江

老縣河 在分縣城外舊志名遠城河源出格崇流經黃界

老縣勝兼南入清江

沙灣河 在分縣城西十三里源出龍勁流經楊家灣沙灣

南入清江

黃岑河 在分縣城西四十里有二源一出翁梁山澗中流

經黃岑以下與濫溝之水會合一出翁西屯山箐中流繞

崇崗複嶺下與黃岑河會合至李家橋南流入清江

寨膽河 在分縣城西三十五里源出新城西南山中向南
流經黃岑至寨膽而入清江

鯉魚塘河 在分縣城西三十里源出新城流經涼傘壩下
至鯉魚塘南入清江

岑溝河 在分縣城西二十八里源出新城東南山麓流經
岑溝下至白壩南入清江

銅鼓塘河 在分縣城西二十五里源出高洞流至銅鼓塘
南入清江

新寨屯河 在分縣城西二十里源出頭到水流經龍塘新
寨屯南入清江

施秉縣志

水道

十

大冲河 在分縣城西十八里源出响水流經塘珠至大冲
南入清江

城池

施秉縣城在省城東北四百一十里原屬偏橋衛城地勢背山面水西高而東下為正方形明洪武二十二年築周圍一千一百二十八丈高一丈二尺外石內土垛口二千二百個城樓四個西角敵樓一個水關一個萬曆二十七年增建敵樓八個清康熙二十六年裁衛併縣移縣治於衛城乾隆二年題修內外皆甃以石周圍一千一百八十七丈城門五個垛口一千一百七十二個水關一個水口三個南門郭外高崗上增築小城又名子營周圍三十五丈垛口三十五個咸豐六年七月縣城失守被苗挖毀嗣於光緒四年知縣陳思敬請款復修周圍一千

施秉縣志

城池

十一

一百四十七丈三尺垛口一千一百七十二個城樓城門均五個水關一個水口八個後於光緒十六年雨水過多西門角坍塌八十九丈於光緒十九年西南角又坍塌二十餘丈尚未補修惟子營尚完固未壞縣城內居民三百戶北關外為西正二街居民一千二百戶子營空曠無居民住戶

新城在縣城南四十里舊為涼傘營明崇禎四年建石城一座地勢北高南下在山之腰為一橢圓形周圍四百七十四丈垛口四百七十四個東西南城門三個城樓三個炮台四個卡房四間水關一個咸豐六年九月城陷被苗毀壞尚未修葺居民二百戶

舊縣在縣城東南九十里因征苗大勝於此因改名勝秉清乾
隆三年經縣丞田見稼題請興修石城一座東西二門周圍城
垣一道計三里三分地勢為一斜坡東倚山麓西畧平坦以一
圓形居民一百二十二戶咸豐六年七月初三日毀于苗變未
修勝秉汛土城一座東西南北四門炮台一座乾隆三年經縣
丞田見稼請修乾隆二十五年坍塌二十七年縣丞莊一虬復
修咸豐六年七月三日毀于苗變未修

施秉縣志

城池

公署公所

縣署 在城內明代未設有署清康熙二十六年知縣楊懋德以官田易土官李文蔚大東門內朝南住宅為署咸豐六年失守被苗焚燬同治十年知縣任崇儒以馮家溝馬姓絕產地址建修背西面東即今縣署也

典史署 原在北門內後街四街巷內雍正五年知縣沈道建咸豐六年失守被苗焚燬同治十一年知縣任崇儒以城內正街向東地址建修民國元年裁撤典史其署遂廢民國八年知事杜熙筠改建女子高初兩等學校

教諭訓導署 原在北門內典史署南咸豐六年被燬光緒

施秉縣志

公署公所

十一

元年知縣孟永欽以學宮改建於西門內飛鳳山遂移學署於學宮之南

分縣署 原為施秉縣署康熙二十六年移縣添設縣丞即以縣署為分縣署在舊縣城城隍廟側

守備署 在分縣署南二里許原為勝秉今廢

千總署 在縣城北門內街後王家坡下

把總署 在新城山腰民國二年改設國民學校

外委署二 一在縣城後街內千總署外一在舊縣城內分

縣署側咸豐六年失守均被苗焚燬未建

勸學所 在縣署側北首以原建行臺改設
經費局

國防局 在縣署側北首以原建驛號改設
桑區事務所 附設城外平寧寺
行臺 在縣署側清同治十二年知縣王泰模建

施秉縣志

公署公所

七

關梁

跨虹橋 邑城北門外大江即古潯水也滇黔上下孔道所經
江水漲時渡不能濟常三五日始通舟文報往來維艱自來有
石橋創建未識何時康熙二十七年水溢橋圯總督范承勳巡
撫田雯及司道府縣捐貲重修至乾隆庚寅又圯後復修數年
又圯至道光四年知府凌泰蛟捐廉重修長五十餘丈高四丈
有奇凡十一洞五年落成較前完善南接正街北接柳塘堡甚
壯觀瞻迨至八年大水壞其二洞十八年又水崩塌畧盡僅存
數磴光緒二十八年知事李鳳來甫接篆即以修橋自任稟
承上級出簿募捐既興工親至河干監督風雨無間橋成因施

施秉縣志

關梁

十五

城以飛鳳山為主以己名配之適為二鳳故更名為雙鳳橋焉
柳塘堡 大河北岸原名管驛壩沃野千頃墾為良田田外有
街東為贛楚兩會館及迎恩寺地址西為王姓基園是堡地勢
與西正街相埒道光十八年大水西正街水深丈許屋宇多漂
沒而此堡無恙俗以堡形如船有水漲船高之語咸豐乙卯苗
變先焚此堡後燬西正街城外為之一空而邑城由是失守嗣
同治中大軍收復邑城駐兵堡上與城中聲勢連絡逆匪不敢
覬覦誠邑城之屏蔽也

馬溪屯 邑城北八十里一山突起矗立空際頂極平廣周圍
十餘里可容萬人有兩路可通一由馬溪一由王家坪盤繞而

上皆陡絕苗叛時該處團紳文生朱景章孝廉朱所等眷屬避居於此卒保無虞

西華山 邑城之西果山重疊由大河溯江而上至上五旗有溪自西南紆徐曲折而出不數里為雷洞溝崖復雲停松陰蒼巒路轉峯迴萬山展拓環列一山高聳雲際仄徑螺旋而上千仞有奇比及山巔有竅微開如太極分兩儀陽施陰合環顧眾山伸者縮者俯者仰者方者圓者四環層疊山南則佛堂禪院山北則道院書齋羽客啼人羊棲霞禹乙卯苗叛僧俗均避此間未幾逆苗一炬頓成焦土勝迹湮鬱蜀勝感喟

黃連箬 黃連箬在城西北二十五里其地在界大河右界小

施秉縣志

關梁

十六

河其上重崗複嶺接黃平界一山橫亘箬入晴空周圍十餘里四山環擁而臨河一帶路皆險窄乙卯苗變該處廖斌會合黃平康生林毓歧軍功鄧庚金石所軍功牟正勝等招練齊圍沿河防堵相持二年後邑城失守黃平繼陷沿途各卡關風崩潰而賊之竄思石餘慶者愈披猖無忌矣則斯地不又苗疆之一大關隘乎

大崖壩 在城北四十五里紫江關側壘下一溪為杉木河上

流河間一山崛起上分五峯壘在中峯聳拔異於他處四峯羅列如屏障然路沿河上由第一峯轉第二峯三四峯而上路愈陡險乙卯苗叛附近居民百餘家皆避於此二十餘年苗匪不

敢窺伺洵要隘也

紅巖山 在城西三十五里上後峭下下坪左楊家嶺右柿花坪兩岸崖山壁立崖腰皆有壘如屋上覆其下下石不能入其路有自下而上者自上而下者旁穿而入者均險絕有想可採有水可汲乙卯苗叛邑人廖斌吳宣眷屬及附近居民數百家避居馬洞各有名難以悉舉其間雞犬相聞蓬蘆相望呼應相通煙火聯絡崖光掩映溪水潺湲景頗不俗初苗不知其險誤入其中兩山插石齊下尸碎如泥嗣後遂不敢覬覦因年久糧罄壘人始他徙焉

通鼓坪 城北五十里杉木河上流距大巖壘十里一山突起

施秉縣志

關梁

七

河間窄逕紆環而上一夫當之萬夫難攻乙卯苗變居人多避於此二十年來逆苗不敢犯肅清後居人依此耕鑿無流離苦有險可凭也

甌子屯 城北一百二十里地遂屯田塢中特起一山轟聳雲表如釜甌狀四面峭壁路由田塢紆環而上至半崖有石如門僅可容身上至山頂有硿大二圍深數丈中有泉源乙卯苗變居民多避於此有警屯人垂索而下以取水苗無敢犯焉

眺遠關 在黃連箐前數武由施至舊州所必由路也雲山層

疊一關突障高空登其頂則濬水偏橋如在指顧間苗叛屢攻不得入後取道溪澗關乃破其岩

涼傘壘 邑南五十餘里新城汛附近壘高里許四圍峭壁陡絕林木蔥蔚中通一徑紆徐盤繞而上有一夫當關萬夫莫開之勢上有田可耕有井可汲乙卯苗變恒據此為巢穴官軍屢攻不克越七八年大軍四集環攻兜剿苗勢不支竄者大半投誠者半入其若餘糧數百石即就其窟設置糧臺屋守今猶存也

新城 舊為涼傘營距偏橋五十里舊施秉縣三十里明崇禎四年築內外俱堅石周圍有縣城三分之一高度相等有東西南三門以守備分駐有兵百名明末黔苗屢叛偏施受禍尤烈偏雖稍遠於施然苗每朝發夕至防不及防當道特請中立新

施秉縣志

關梁

十六

城以衛之清以鎮遠鎮標石營把總分防惟石城經咸豐乙卯苗變破壞無片石存今一線城腳繞繞于荒煙蔓草中耳

壇廟祠宇寺觀

聖廟 在縣城西門內飛鳳山麓正殿三間後殿三間東西廡各五間大成門三間更衣所二間鄉賢名宦祠各二間櫺星一座泮池宮牆如制基址橫廣六丈縱長五十丈清光緒二年知縣孟永欽募修

關帝廟 在縣城西門內聖廟後側半里許正殿三間未建後殿基址寬五丈深十五丈清光緒十年知縣歐陽輝募修民國三年改設二龕供奉關岳更名關岳廟

城隍廟 在縣城東門內清咸豐六年燬於苗匪光緒四年知縣陳思敬另以北門內正街地址募捐重建正殿及十

施秉縣志

壇廟祠宇寺觀

十九

曹頭門戲臺共二十五間基址寬五丈深十八丈

炎帝宮 在縣城東門內清光緒二十五年邑人募捐建修正殿及廂房五間基址寬五丈深十一丈

龍王廟 在縣城外半里西街光緒五年邑人募捐建修正殿及廂房戲臺共八間基址寬四丈八尺深十六丈

先農壇 在縣城南門內清雍正八年建咸豐六年燬於苗匪

社稷壇 在縣城北門外二里堤上廟側咸豐六年燬

風雲雷雨壇 無一定處所常借城隍廟設壇

厲壇 在小東門外咸豐六年燬於苗匪

文昌宮 在縣城南郭外子營中咸豐六年燬於苗匪光緒十七年知縣徐士謙募修於城內中街基址寬十五丈深十八丈計正殿後殿共六間

飛仙廟 在縣城東門外即唐誠州刺史楊再思祠堂也偏橋右土司是其苗裔咸豐六年燬於苗匪

蔡公祠 在縣城南門內清雍正十三年苗變知縣蔡謹操練鄉勇保全城池後以勞瘁卒於官邑人捐貲建祠祀之咸豐六年燬於苗匪

魁星閣 在縣城東門外三里廖家巖清乾隆四十九年建咸豐六年燬於苗匪光緒三十年知縣李鳳來募捐重修

施秉縣志

壇廟祠宇寺觀

十

節孝祠 清雍正元年奉勅建於聖廟側該祀乾隆四十九年知縣沈鵬建於聖廟大成門外光緒三十年知縣李鳳來委紳建修於聖廟牆外正祠三間

昭忠祠 在縣城南門內正祠及廂房共五間基址寬四丈五尺深九丈清光緒三十年知縣李鳳來募修

玄都觀 在縣城北門內明洪武二十五年建修屢燬於苗匪光緒二十五年邑人募捐重修正殿及頭門共六間基址寬四丈八尺深十二丈

武侯祠 在縣城東十二里大江西岸上前後殿共六間咸豐六年燬於苗匪光緒十一年邑人募捐重修僅暨正殿三

間

聞基址寬五丈深十一

施秉縣志



壇廟祠宇

十一

市集村寨

中區

平寧壩

黃品街

上五旗

下五旗

烏井

馬家屯

涼水井

高寨磅

中沙壩

岔河

鼎鑽坡

十八灣

五里墩

一堵牆

大田坎

篾竹山

草塘關

白頭王

高碛

白葉樹

廟家灘

毛頭腳

二到水

宅羅田

施秉縣志

市集村寨

二十三

大石板

地南

牛冲

藍家山

鍋巴庄

窑上

沙坪

有場

皂角屯

寶蓮洞

打杵巖

麥子嶺

有姓田

中寨

二灣

東區

瓦橋河

安塘溝

夏家壘

翁柱

山保寨

王家屯

水江河

高梁山

排樓冲

高家庄

黃竹河

芹菜塘

白塚

住戶多

鐵廠

小屯

谷定

住戶多
有場

翁頭

桐木灣

過水江

住戶多

太平

甕哨

住戶多
有場

江凱

住戶多

鹽井

陶家塘

洞口

白果樹

王家屯

劉家庄

有場

高坡轟

野猫孔

香爐山

土橋

乾溪

黄土坡

望城坡

何家壩

地壩

住戶多

柞木山

紗帽圭

上鰲

高碑

住戶多
有場

望江

施秉縣志

市集村寨

錢家莊

地琪

蔡家庄

白巖

花山

了鳩寨

乾猪槽

梨山坪

六天坪

白洗

住戶多
有場

楊柳塘

巖頭

小米山

平蒸

翁演

中勝

白寨

西區

木江

馬路哨

住戶多

藍橋

秤勾坡

後壩

水漫坡

干地坪

紅廟

泡木山

大塘

三畝塘

黃連箐

住戶多

小塘河

沙子坳

柿花坪

干庄

古溪

楊家嶺

小水

紫荆關

干冒

石橋

有場

上壩

新地

青沙

白堰

賴洞壩

杉木河

王見屯

蔣家田

南區

新城

住戶多
有場

翁西

黃岑

高甸

翁深

平寨

有場

施秉縣志

市集村寨

十一

寨

白壩

鯉魚塘

銅鼓塘

龍塘

把琴

架橋

登板

黃中舖

渣水坳

涼亭

皮襖

雀葉哨

響水

巴園

塘珠

楊家灣

杉灣

江西街

乾地營

大浪坡

老縣

平橋

思娘

小溪

平苗

槁上溪

橋窩

半坡

貴界

住戶多

格蟲

麻梨坪

樓寨

塘頭哨

石口溪

得果

岑頭坡

勝乘

平北

住戶多

景洞

住戶多

屠戶山

料洞

住戶多

冰溪

八梗溪

冰洞

住戶多

黃古壘

黃科

平扒

烏仰

北區

上元

馬溪

住戶多

譚家寨

馬路河

泡木林

王家坪

施秉縣志

市集村寨

打蕨冲

大河堤

小庄

住戶多

乾溪溝

桑樹坪

塘頭

蓋冢田

干坳

老寨場

有場

桐子冲

萬丈岩

亮山

團巖

勝溪

下壩

三碛

土地坪

謝家院

坎竹坪

大薯

又缸河

半河

上洞

白排

石家灣

龍塘

杉山

公居寨

白牙

麻陽寨

帽子坡

上壩

施秉縣志

可集村寨

十六

施秉常平倉係清光緒四年知縣陳思敬承領藩庫銀兩購獲貯積城鄉義穀亦於是年奉文募捐又民國四年撥入鎮遠三土司地面其附屬之義倉亦撥歸施秉管轄其數詳列於左

一縣署管本城常平倉穀京斗八百三十五石此外尚有清光緒二十五年楊故公府南柳樹京斗一千六十九石五斗不在此內

一團紳管城外藍橋義穀京斗二百九十一石五斗六升五合

一團紳管城外劉家庄義谷京斗六十四石五斗

施秉縣志

倉儲

二十七

一團紳管城外乾溪義穀京斗八十一石

一團紳管城外白塔義穀京斗一百九十五石

一團紳管城外三寶寨義穀京斗一百二十二石

一團紳管城外谷定義穀京斗十五石以上係施秉原有義穀

一團紳管城外馬溪義穀京斗二百九十八石三斗五升又

息穀京斗一百七十八石五斗五升

一團紳管城外打廠冲義穀京斗七十一石八斗四升

一團紳管城外小庄義穀京斗一百八十一石六斗七升

一團紳管城外老寨場義穀京斗九十一石又息穀京斗五

十五石八斗

一團紳管城外老寨場義穀京斗十七石又息穀京斗十石
零二斗

一團紳管城外虎爪坪義穀京斗三十七石五斗八升又息
穀京斗二十五石三斗八升

一團紳管城外上塢義穀京斗四十九石一斗

一團紳管城外杉山義穀京斗四十九石一斗

一團紳管城外麻陽寨義穀京斗四十九石一斗

一團紳管城外白牌義穀京斗四十九石一斗

一團紳管城外上洞義穀京斗一百九十五石九斗二升五

合

施秉縣志

倉儲

二六

一團紳管城外王家坪義穀京斗三十八石六斗四升

一團紳管城外龍塘義穀京斗一百四十一石九斗

一團紳管城外把琴義穀京斗一百八十五石

一團紳管城外地壩義穀京斗一百七十九石四斗

一團紳管城外白垵義穀京斗一百一十石零二升

一團紳管城外何家壩鹽井義穀京斗五十石零三斗二升

五合

一團紳管城外大箐義穀京斗四十七石四斗二升

一團紳管城外白洗義穀京斗二百五十石

一團紳管城外高碑義穀京斗四十一石一斗

以上係鎮遠撥入義穀

以上除常平倉穀外實儲義倉穀京石四千零二十五石
有奇

勝秉分縣署內有常平倉一所於光緒初年存儲未經善後
總局批准之逆絕產穀花計二百五十餘京石後經縣丞
稟請藩憲立案永遠作為地方備荒義倉民國八年經高
縣丞移置平北場

施秉縣志

倉儲

職官

施秉縣知事 縣屬舊志及冊中卷宗前被凶燬無存復城後之文件改革時被亂散佚無從檢集重茲就故

訪所得者
依次記載

孟南嶽 山東舉人 乾隆八年任

唐 鏞 浙江舉人 乾隆十二年任

王熙泰 河南舉人 乾隆十五年任

陳鍾麟 廣東舉人 乾隆十八年任

朱履吉 婁縣人

涂錫嘏 江西進士 乾隆二十年任

莊一札 江南人 乾隆二十五年任

黃 垸 四川舉人 乾隆三十二年任

范 璘 浙江人 乾隆三十四年任

莊肇奎 北直人 乾隆三十九年任

沈 鵬 浙江舉人 乾隆四十三年任

羅吉人 福建供官舉人 乾隆四十九年任

朱 源 貢監山西太平人 乾隆五十六年任

胡 章 咸寧進士 乾隆五十七年任

施秉縣志



職官

序

劉玉麟 江西吉安府人 咸豐五年任

李占魁 籍貫未詳 同治九年任

任崇儒 籍貫未詳 同治十年任

王泰模 籍貫未詳 同治十二年任

孟永欽 監生四川人 同治十五年任

熊士清 監生湖南人 光緒二年任

陳思敬 監生湖南人 光緒三年任

張偉堂 籍貫未詳 光緒五年任

冉煥章 籍貫未詳 光緒六年任

鄧定元 監生湖南人 光緒七年任

吳鏡澄 舉人河南人 光緒八年任

歐陽燦 籍貫未詳 光緒十年任

白之珪 軍功雲南人 光緒十二年任

伍雲紉 籍貫未詳 光緒十三年任

諸昌言 籍貫未詳 光緒十四年任

楊 藻 四川板貢生 光緒十五年任

徐士謙 廣西人 光緒十七年任

楊蔚南 附貢四川人 光緒十八年任

帥鴻炳 湖南湘潭舉人 光緒二十六年任

楊 煜 監生四川涪陽州人 光緒二十七年任

李鳳來

監生雲南人光緒二十八年任

黃啟泰

監生浙江會稽人光緒三十一年任

史文昌

監生光緒三十三年任

王靈顧

河南臨潯縣舉人光緒三十四年任

李保和

監生浙江人宣統元年任

高桐

雲南石屏州舉人宣統三年任

施秉縣志

職官

學制書院

明初施秉縣偏橋衛均無學正德十三年湖廣巡撫秦金題設偏橋衛生員名額附屬辰州府提調嘉靖二十五年改附貴州縣屬生童仍附鎮遠府學應試清康熙二十六年省衛入縣即以衛學為縣學額定文武各入十二名廩增生各二名歲貢間年一人學官原設訓導一員康熙四十四年復設教諭一員終有清之世未改其制年收學田租穀三十六市石歲科童子考試借行臺為試院未另置有考棚書院向有兩所一在施秉舊縣名岑楚書院一在今治城內名鳳山書院舊縣一所前清中葉已廢鳳山書

施秉縣志

學制書院

三三

院燬於咸豐六年苗叛之時光緒十七年知縣徐士謙募捐重修改名鳳翔原置有膏火田若干畝年收租穀三十入市石縣志散軼卷宗亦失學田膏火之設均不知昉於何時始於何人光緒三十二年知縣黃啟泰以鳳翔書院改設育材學堂三十三年知縣史文昌改設兩等小學校

學堂

縣立兩等小學校 清光緒三十三年知縣史文昌以城內鳳翔書院屋宇改設初等小學堂委任訓導程雲章充堂長城紳李錦城宋士倫定番陸鍾俊等分任教授職務學生六十八分兩班上課三十四年城紳錢光國由省回籍任教與知縣王靈顧商酌將甲班學生提升高等更名兩等小學校宣統三年邑紳彭廷瀛周培章回籍任教將書院東隅之義學屋宇修葺廣招學生約百人編為高等兩班初等兩班洎入民國以來相沿未改畢業學生已過五期現正廣辦六期經費之取給初以膏火義學屠捐斗

施秉縣志

學堂

三十三

息挹注由勸學所經理至地方經費局成立以後則照全縣入款分配混合開支矣

縣立女子兩等小學校 民國二年縣立兩等小學校已招初等女生一班同年城內白家塘宋士林錢光國宋士敏韓文明宋士泉城外小橋田善基李明濬宋啟榮楊正宗等各發起私立女子小學一校名曰坤儀第一坤儀第二民國四年知事馮政修以典史署改修設女子兩等小學校合三校女生而甄別之擇其優者升入高等民國八年女校長楊名勝勸學員長嚴孝焜以女學難覓教師將校內分出一室開辦女子師範講習所以畢業高等之

生入之益以高等初等兩班全校學生共計一百一十餘人校長教員女管理員共七人薪金亦由地方經費支付未收學費

勝秉區立兩等小學校 清宣統二年知縣高桐委邑紳韓霽充校長就舊縣城隍廟屋宇改為校舍設初等小學一校學生三十餘人民國七年知事杜熙筠因見初等畢業學生多班距城太遠升學無地委邑紳賀良楨改設高初兩等小學校傳畢業學生就近升學兼可與初等銜接其經費由地方經費局撥勝秉場款項下開支

新城區立國民小學校 清宣統二年知縣高桐委邑紳

施秉縣志

學堂

二日

李明煊張芬材楊名勝等分任教授職務借江西會館為校舍學生五十餘人計已畢業四班現仍繼續辦理校中開支由地方經費局撥新城場款項下開支

新城區立國民女學校 民國三年知事龔北瀛委邑紳楊維熙借其家塾設為校舍以楊歐蕃貞為女管理員學生三十餘人功課係合男校職員分任各員均盡純粹義務未支薪水畢業一班旋因楊歐蕃貞病故難覓管理人員遂致停辦

兵事

施秉苗蠻自經畧張廣四平定後苗漢相安承平垂百餘年咸豐初廣西亂起當道倡練苗兵始猶收效殊苗性犬羊習於聚驚見漢人倚重遂存驕傲之心咸豐四年台拱同知張禮度帶苗練出防綏陽五年正月遣回藉口未關鉤銀沿途劫掠地方官未嘗過問又張禮度勒扣糧銀苗大忿恨聚眾圍城黃平屬革夷地方有頑苗包大肚者素行不法久欲作亂而未得機會聞此風聲嘯聚黨羽數千四出擄搶初燒平寨塘珠繼燒白洗地壩城中無兵開出救兵不至各寨之苗見之揭竿附和愈結愈多漸逼邑城六年四月知縣劉玉麟飭武生蔣鴻鈞軍功宋

施秉縣志

兵事

五十五

勁殊各招練勇一百分守城門五月苗於城外山上徧張旗幟窺伺城內尋燒蓋橋秤勾坡紅廟一帶時思南松桃追楊龍喜之兵適還至邑玉麟各留一百名助防六月苗破黃連營及甕哨卡七月邑城戒嚴赴鎮遠請兵援救總兵楊啟賢帶女來邑出攻白洗至丁家橋卡苗大股由七里冲街出兵潰陣亡兵五十餘名把總五名圍練數十名苗追至城下而還不數日苗大股來攻燒燬城外正街西街及柳塘堡街楊家街三土司衙署亦同時被焚玉麟以城內兵單諭母出敵聽其燒擄十二日拂曉苗偷據邑城蔣鴻鈞紮在子營先覺發號傳知城內玉麟命圍練站城槍發雲梯四十餘架賊始退十五日清晨又來亦先

覺防之乃還二十日苗由小河而出城中開隊迎擊不能取勝
苗在南門外布寨駐紮以窺城中初散練劉木匠賈谷隴人入
苗寨搶獲後入賊旗一面城內不查虛實目劉為勇使充練頭
至此遂作內應以旗插城西北角七月二十九日賊由西北角
入城西北哨房民房齊火城遂陷知縣劉玉麟訓導馮含輝解
任訓導章道淳土司安德寬教諭楊春發死之千總李維棟外
委朱錫光及思南松桃守城官兵均棄城走城陷苗遂分田而
食農忙則聚族耕耘農隙則結隊搶掠名曰打撈餘慶石阡銅
仁鎮遠各屬迄無寧歲道路梗塞驛傳不通者十三年同治八
年三月檄黔總統席寶田阮克復鎮遠始命部下軍門榮維善

施秉縣志

兵事

二十六

及定中營候補道黃紹坤精捷營候補道鄧子垣各軍進規邑
城至相見城苗匪拒敵各路官兵衝突而入至劉家庄紮營夜
半苗分路來撲官軍堅守不動天明始整隊出擊苗匪且戰且
退官軍追至黃土坡苗大股由高碑渡河直截其腰折損兵練
數十名官兵前後奮擊賊始退乃整隊前進至沙坪皂角屯苗
大股又由錫巴庄而下渡窰上河橫攔其頭天已晚官軍越山
至雙哨紮營適章貴營軍門彭玉書奉調亦率所部至次日黎
明各軍直衝邑城苗匪分堵河岸榮維善率馬步隊數十由兩
江口涉水先進各軍銜尾繼進苗不能敵棄城竄入小河白洗
一帶官軍入城將苗匪房屋米穀焚燒是日挖苗廖長友率男

女千餘人來投榮維善軍門命把總朱恩培擇其少壯三百編為忠義營命其管帶以城交彭玉書鎮守大營紮城中北門外正街連紮二營次日大軍進攻白洗一帶不數日以喪師黃觀白寶聞逆苗自官兵敗後勢復猖獗仍歸舊巢將所獲旗幟懸桂於竿日率眾紛撲邑城彭玉書防守森嚴又得乾苗熟悉賊情屢次埋伏截殺報奏效果邑城米糧專資鎮遠商賈則資餘慶每月須按期接送貨物米糧始通九年赫字營蕭軍門接防連攻紅廟藍橋大岩門等處賊巢後大岩門苗匪來投蕭軍門以是洞折兵太多命齊斬之時知縣李占魁力諫不從苗自此生疑懼他處之苗復移大岩門駐紮是年五月李占魁病卒六

施秉縣志

女事

七

月赫營奉檄連字營羅孝連接防營中瘟疫大作八月移防以誠字右營參將田慶茂率中後兩營接防大營中營紮城外以後營分佈驛道駐紮席寶田以施城雖復流亡未歸商鎮遠知府吳自發籌餉二萬以招流民餉邑紳廖斌辦理施黃善後斌招集流亡發給牛具籽種斌慮其來者太少請撥降苗填實後得吳玉瓊吳世興龍學海等二百餘家又鎮算人百餘名來邑開墾於是附郭之田始有耕種是時尚有附近餘孽藏匿箬中斌使降苗黑夜出隊相機捕殺賊無容身始陸續來降其不降者亦遠徙川洞東坡洞白寨大巖門等洞堅巢而居不復出擾十年春大巖門率眾來投誠字營派隊守其洞時署典史廖

慶餘到任與紳民分派田畝董修溝洫以重民事民始得安居
樂業惜為政不久於六月病故是年冬知縣任崇儒溢任駐城
外正街團營崇儒以城內雖有居民而通驛道之名鄉猶多空
曠一面招集流亡並飭降曲分駐各處由邑至鎮添紮望城坡
華嚴洞土橋由邑至黃添紮草塘關秤勾坡水浸坡由邑至餘
添紮白塘石板屯王建屯等處又江凱代坪山保寨杉木河黃
連箐小水官庄山后等處均籌撥牛具籽種四鄉始有居民崇
儒以川碕白寨等處之苗負隅來投會商誠字營日着降苗進
寨推布腹心與以文憑苗始無疑接踵來投是年誠字營進紮
東坡以吳玉瓊龍學海等百餘歸隊守圍東坡洞十一年春洞

施秉縣志

兵事

三六

悉平四月大軍上下夾擊苗之糧盡大股由凱里香爐山傾巢
而出蜂湧黃平以至施秉界田慶茂回顧鎮遠崇儒以兵力單
薄適精捷營追賊至邑請留一營駐防崇儒親督團練及在防
官兵面面防堵苗至草塘關知有準備旁出白寨翁濱中跨地
壩渡高碑河蔓延金蓬羊場一帶會武字各軍追至崇儒考測
地理情形率團練充當嚮導合隊至金蓬圍擊賊欲下竄鎮遠
援黔各軍自溜山關一帶兜入西面夾擊賊死喪無算屍骸徧
野自軍興來賊苗死亡未有過於斯也崇儒知苗敗潰漏網者
必回竄其巢收隊回邑適鎮遠知府以忠義紇營委崇儒管帶
崇儒飭紇勇分顧各鄉各庄各隘囑其順者招降逆者格殺收

回降苗二百餘名殺者數十邑城遠近始息賊踪

邑新城汎城苗於咸豐五年五月圍城把總李瀛率守城團練
日夜防守赴鎮告急調銅仁天柱兵四百添防城外半里涼傘
壘即苗巢穴官兵至日焚其壘外苗屋仇益深苗率眾萬餘日
夜攻城城中冰酒糧盡救援無兵九月十四日城人議和把總
李瀛不允擬開隊送百姓出城巡哨被苗矛傷旋即卒終以和
議十五日苗入城滿城男女紛紛赴鎮在城官兵以和不准備
束戈而行苗伏卡各處截死官兵跪授其首自新城至鎮遠屬
茶園相距三十里尸骸枕藉兵民十死八九至是城為苗據至
同治七年席寶田率所部克復

施秉縣志

兵事

五九

邑分縣勝秉城苗於咸豐五年五月來攻該城背高山面平原
堅固難攻勝秉汎城守備江忠義把總李興發以汎土城難守
率兵民入分縣城苗時圍時解至六年糧盡路塞兵餓不能支
於七月初四日城陷分縣鄧文熾督隊禦賊陣亡於北門城上
文生蔣連清武生楊通文團眾將邦瀚潘世爵潘繼奉楊元保
歐老龍歐大亨歐大樑陳文鳳楊興林石秀標歐朝仁歐朝儀
歐朝佩等同官殉難守備江忠義把總李興發賊執而殺於偏
寨居民死於難者十居七八惟與苗首張朝忠有舊交者始得
幸免城陷後苗遂佔據至同治七年席寶田率隊攻擊始復其
城

營汛驛站

施秉縣治為古偏橋衛地明宣德以前無營汛官兵駐紮成化十六年始設參將一員清順治十八年添設守備一員駐興隆並設千把總六員立為興偏營康熙二十六年省衛入縣更興偏營為黃施營乾隆三年改黃施營為黃平營以鎮遠鎮標右營守備一員把總一員駐防勝營兵三百名又以千總一員駐防施秉城內營兵一百五十名又以把總一員駐防新城營兵一百名合計營兵五百五十名咸豐以前尚存四百餘名光緒以還屢經裁汰至有清末年僅餘八十餘名

營汛驛站

四十一

施秉縣志

施秉為滇楚孔道城內原設有偏橋驛初以偏橋衛守備管理及省衛入縣特設驛丞管理清康熙五十三年巡撫劉蔭題裁驛丞歸併施秉縣兼管設司前沿沙乾溪谷定四舖共管舖兵十九名乾嘉道咸均仍舊制同治八年復城撤舖兵來往概以驛馬遞送城內偏橋驛養馬十匹設驛兵十名劉家庄藍橋兩處各養馬五匹設兵五名清末漸次汰減合計驛馬不滿十匹驛兵八九名而已

團防保甲警察

施秉在清代乾道嘉之時城鄉安靖未辦保甲咸同兩朝全縣為苗佔據光緒初年居民遷定安集兼防苗官兵稽察甚嚴盜匪亦不常聞光緒季年僻靜村寨間一發現槍案官府飭團緝捕尚能如期破案其時之所謂保甲亦僅虛名並未照章編制民國三年知事龔兆瀛創辦團防招兵十名設局教練而所持器械概用絲營銅帽舊槍遇有勁匪未敢開出追捕民國四年省令飭辦保衛分局知事曾廣瀛委邑紳錢光國右土司楊再藩照章編制以全縣分為五區各區設正副區長各一人區長以下屬以團董

施秉縣志

團防保甲警察

四十一

甲牌城內設分局一所以總其成提公款購獲毛瑟槍十三枝參用銅帽七枝仍招兵二十名從此緝匪捕盜頗有成效嗣又函知各區送壯丁到城更番教練學成之後即編作各區團兵民國八年知事杜照筠委邑紳嚴孝焜張順清辦理添兵二十名因槍不敷用特僱匠到城添製毛瑟槍三十枝又勸各區製造毛瑟槍三十枝以資捍衛民國九年大股匪徒入境擄掠鄉村先至各區團局搜槍團兵不能抵禦概被劫去所存者僅城內數十枝耳

物產 僅載本地特產

柏木 出縣屬西北山中木質堅實本地商人運往洪江一帶出售價值較他處為優年約值銀數千元

等薺 出縣城東門河壩兩江口及西門平寧壩一帶質脆味甘出品較他處為良為本處特產年出數萬觔行

銷外縣

網皮柑 廣柑 丹橘 出縣城色黃味甘為他屬所不

及善藏者延至二年食味尤甘香無比年出數萬觔銷售外縣

靛青 出縣屬東北年出數萬觔除供本地染房外並行

施秉縣志

物產

四二

銷外縣約值銀數千元為本地出口貨之一大宗

杉木 出縣屬西北山中木質堅緻出品較他處為優運

銷洪江常德等處年約值銀數千元

吳茱萸 仙桃草 出縣屬可入藥力較他處出者為厚

外縣人來此採辦年約值銀百餘元

白菜 縣城東門外河壩兩江口一帶出品特佳色白如

玉一本有重至二三十觔者冬日居民取以製成水白

菜質脆味佳較他處為優

凍綠皮 全縣皆有本地商人運往常德一帶出售年約

值銀數千元

麝羊 出縣屬東南深巖絕壑中冬日苗人捕得之大者
得麝兩餘小亦有數錢出售價值頗昂年約值銀數百
餘元

豆豉 縣城居民用黃豆製成以好酒漬之再加香料醞
釀年餘愈久愈香味愈濃郁用以和羹鮮美無比年出
數千鈔

到菜 縣城居民於暮春時節取青菜用水洗淨抽筋去
皮再用鹽揉極透漚二三夜懸日下曝極乾再以好酒
揉三五次極軟裝置無空氣甕中經數日取食味醇
厚而香鮮不亞於四川內江芽菜

施秉縣志

物產

四十三

斜文布 出縣屬東南區苗女自織自用質堅色青無出
賣者

風俗
施秉縣俗多敦謹舉漢俗之大畧可紀載者

咬春 立春時居民相習咬白蘿蔔俗名謂之咬春立春前一日菜市為之一空有古人薦五辛遺意

挂青 清明日居民上塚祭掃每塚插紙錢一串俗曰挂青疑為踏青之訛

毛蟲塚 四月八日居民用紅紙小條書遺塚毛蟲語云張貼四壁非畏則其家毛蟲滋多相沿成習亦惡俗之可嗤者也

剝龍船 縣城及勝秉分縣城以五月五日平寨銅鼓塘各為寨以五月二十四五六等日船用長木剝成首尾

施秉縣志

風俗

四四

具備施以彩色盪漾波心蜿蜒有勢頗足觀賞居人是日用箬葉裹米製成多角形者曰羊角棧長者曰枕頭棧食之曰解棧有宴會必備紅苺菜一盞以啖賓

土地會 每歲二月二日六月六日十月十日鄉人釀金市酒肉羣集山坳橋頭土地廟前祀神俗曰土地會非是則年穀不登疑即古人賽田祖祈豐年遺意也

接亡 七月十三日俗曰中元節新喪之家先於數日前接亡設供於家三四日如迎賓客久故者設誠盡禮遲一二日接待亦如新喪例至十三日或十四日化送備具冥財書生者死者受者授名者而焚化之郊野或至

哭失聲甚殆不經亦古人追遠意也

送竈 十二月二十三日夜居人相率市茶食菓餅祀竈神云是夜竈神上天奏人間善惡祀之以祈揚善隱惡城鄉一致亦積重難返也

潑水飯 人有患病者不求醫先取病者襪衣一雙延苗巫看香或打毛草卦惟巫言是聽巫曰某物作祟須潑水飯病家取水一勺洒飯數粒焚香紙其中於深夜潑之路頭謂之潑水飯

打陽春 十二月大寒節後居人遇吉輒大掃除居室謂之打陽春掃後渣滓遍傾街衢令踐踏者叱曰好陽春

施秉縣志

風俗

四五

別來年其家之收成大好亦隱寓祈年意也

忌腳 獨子孺兒或多病失意人經推命者推測某月某日不宜出行並杜絕外人來往于家犯則不祥屈日其家用紅紙三角形小片以長竹竿夾掣門外人即知為忌腳相戒不入其家

破胎 數月嬰孩或數歲童兒患病常用苗巫破胎謂其靈魂已附他人或畜母胎久而不破魂不知返披生此死矣破時用雄鴨一苗巫於夜深作劇于家以此鴨代其人或畜椎其心而活剖之火之以給童食魂歸來而兒病愈矣此俗勝秉為尤信

開路打掃人死之夕裝殮訖和延僧咒誦十家謂之開路不如此則亡魂無路升天堂也扶柩登山後三日又延僧來家于夜深咒誦炮竹入室大搜驅鬼出戶逐一程或半程定桃樁于塗隔絕之謂之打掃

還愿冲鐸 愿有消愿懶愿之別新者必還如履行債務然有一年一還者三年兩還者還時延巫多人作劇於家然言辭必極蕪淫而神乃喜樂所供之神曰聖公聖母每還一次約消費數十串之金錢只博二三日之喧嚷殊不可解冲鐸與還愿但冲鐸為病者酬神而設還愿則無病亦必按年舉辦也

風俗

施秉縣志

舞龍燈 元宵節城鄉居民相率釀金紮紙龍燈雜以魚蝦獅燈花燈等類沿街遊戲頗有火樹銀花之感是夜遊人如蟻富家炮竹舞者執龍燈蜿蜒起伏有勢一時炮聲金鼓聲笙歌聲雜然並進極為壯觀

氣候

施秉氣候與鎮遠黃平台拱畧同熱至華氏寒暑表九十七八度冷至三十二度為極每年清明後則寒往寒露後則暑往夏季雨量極大霧蒸溼鬱居民易受瘴癘之患田功二月犁耙三月播種四月插禾七八月納稼東作遲則苗不秀夏旱秋風則收成歉農產不豐亦氣候之劣也

施秉縣志

氣候

四十七

農桑

施秉地屬苗疆山多田少田畝除治城稍稱肥沃外餘俱
磽瘠同光以還苗疆底定夷漢歸農農產以黏米為大宗
除數本地日食外運銷外縣年約數百餘石雜糧如麥苽
高粱苞穀黃豆豌豆等類亦有種者第不及米糧之多爾
施秉桑業於民國五年經知事馮政修奉令倡辦任本省
農林學校畢業生李杰林為桑區管理員劃縣城西門外
平寧壩中沙壩等處地面為桑區計二百餘畝民國六年
知事甘鴻寶七年知事杜熙筠八年知事朱嗣元先後繼
持現縣城桑株已成活四萬五千餘株接換湖桑二萬餘

施秉縣志

農桑

四八

株餘如東區高碑劉家庄等處人民領種桑秧一萬二千
餘株南區勝東新城平寨等處人民領種桑秧六萬餘株
西區紫荆關白塘等處人民領種桑秧五萬餘株惟土質
不宜成活者少不如改種桐茶漆樹收利較豐也

施東地本苗疆漢夷雜處漢人皆由外省遷入土著苗蠻開化極遲工藝窳劣出品惟苗織斜紋布尚可購用惜出產無多餘如金工木工石工土工普通用品罕有新製僅供本地之用則可與外縣爭利則難民國四年知事曾廣瀛創設勸工廠公家籌款買紗織布委邑紳蔣明昇經理開始織布出品尚佳銷路亦旺旋以成本無多不敷周轉於民國六年停辦近有習榨糖榨粉造紙諸業者出品粗劣行銷不廣將來能漸次改良獲利亦不薄也

商業

施秉地面鎮陽江遶其東清水江環其南東南二區水運利便場市較西北區為多商業亦較興盛全年出入貨值約數十萬元出口貨以黏米黃豆靛青豬隻皮革木植凍絲皮為大宗入口貨以洋紗洋油大布磁器銅鐵貨為大宗商人多江西湖南人行商居多尋常交易以銅錢洋元計近日雜用當十當二十當五十當百銅元行旅稱便

施秉縣志

商業

五十

林業

施秉全縣山嶺蜿蜒林木蓊茂其中南區小河馬路哨一帶多松木古幹參天輪囷合抱縣城居民柴薪之料多取給焉西區杉木河江凱各處松杉柏梓所有皆是同光以還砍伐者眾不加培植近日附郭十里概屬童山間有本地木商辦木皆在二十里以外採買年運往洪江一帶銷售數次出口以栲木杉木為大宗合值銀數萬餘元將來能竭力培植林業盛興亦易事也

施秉縣志

林業

三

礦業

施秉向無顯露地面之礦苗更少接近地面易于勘得之礦質居民無礦學知識全縣之大只南區勝秉汪家山鉛礦于咸豐初年經鄉民集資開採礦質甚富獲利亦豐旋因苗變停止光緒初開而復廢因資本無多也民國二年法政畢業生楊守仁倡辦礦業公司厚集股本開採二年得礦雖多傾銷無法獲利有限事遂廢弛餘如東區馬鞍山麓之鹽南區新城高碛之煤礦西區黃連箐之鐵礦未經察其狀況考其成分不知有無開採之價值也

蔡謹字經山金陵上元人雍正元年舉人十一歲補施
乘縣知縣抵任後以施乘當黔衝道為滇南咽喉苗氏
雜居請大府設遊擊官以資彈壓大府聽之十三年苗
叛破黃平凱里廢門諸城進攻施邑民聞警逃公止之
不可乃手握刀矛練鄉勇家丁百餘人登城捍禦他邑
有來奔者縱之入給糧安置揀其壯者從軍苗亂以來
公大小三十七戰旬夏徂秋不解甲卧者九十四夜苗
知有備各散走一城獲全總督張廣泗上其功天子
擢授大定府通判未赴任又奉檄勘各地兵災兼清裡

施秉縣志

宦蹟

五十三

新城苗寨在道勞頓受瘴病昇回施乘卒邑人罷市致
奠助其柩歸建祠南門祀之

董良材 雲南人雍正進士乾隆五年知施秉縣見縣城
毀于苗亂樓堞無存稟請經畧張廣泗復修謀始於四
月辛巳落成于十二月己丑在城一千一百四十七丈
二尺塼一千三百十七東西南北各建門樓一炮臺四
小東門水關各一約費帑金三萬七千四百有奇內外
馬道窄狹者廣之各一丈五尺北門進水低窪者高之
計丈有零整齊雄壯屹然重鎮予以獨當黔南一面越
年解任去民感其德攀轅留之

陳恩敬 監生湖南人光緒三年官施秉縣知縣時苗亂
初五瘡痍滿目城堞毀壞民懼不保公到任後復修東
南西北四面城樓城門垛口壞者新之有廢俱舉性寬
厚節儉與民休息輕徭役蠲錢贖刑清政簡去日行率
蕭然邑人思之

徐士謙 號遜齋廣西昭平縣舉人光緒十七年署理施
秉縣知縣蒞任後見邑人士有志讀書肄業無所與邑
紳創修書院延聘山長一時文風丕變皆沐公之賜也
性尤孝友居官廉潔弭盜安民士民德之

李鳳來 號桐軒雲南監生光緒二十八年特授施秉縣

施秉縣志

宦蹟

李

知縣下車伊始見縣北門外跨虹橋當熱漢要衝自逆
光戊戌大水傾圮後邑民病涉上下往來交通不便教
導以復修自任費用先捐廉為邑人倡謀始于光緒壬
寅落成于光緒乙巳至今行旅往來稱便去日邑人為
泐石紀載功德至今稱道弗衰

黃啟泰 號魯巖浙江會稽人蔭生光緒三十一年署理
施秉縣知縣到任未久勵行新政籌款興學不遺餘力
政平訟理士民稱之

鄧文燾 號壽山江西南昌縣人于咸豐二年署施秉縣
丞時值苗叛遠近城池俱陷惟勝秉一城獨存皆縣丞

平日誠信于民故民效死弗去也旋以久困重圍糧汲俱斷援兵不至七月三日城陷縣丞一家數口在署殉難至今人民莫不歎息焉

施秉縣志

宦蹟

五十五

宋誠 定遠人洪武初年襲父職有功調偏橋千戶征苗至白洗陣亡

蔣貞 巴陵人洪武初征雲南四川屢立戰功至二十三年調偏橋千戶

楊政麟 洪武五年赴京獻版圖明太祖大加獎勵勅授承事郎撫輯苗民全境乂安

陶貴 偏橋指揮同知宣德元年調征交趾十月十五日昌江大戰與都督指揮李住顧福中官馮智等戰歿

陶玉 偏橋指揮成化四年襲職百廢俱興尤注意文

施秉縣志

鄉賢

五十六

學遺百戶朱俊等請建衛學弘治六年調征貴州都清等處料敵制勝均有成算

熊祥 成化年間以都司知印順天鄉試丁未成進士官至廣西按察使廉公有聲

歐昇 明成化丁酉舉人

熊宗呂 明正德庚午科舉人官知縣

錢鳳翔 正德中王守仁過偏橋翔方幼慕其學執贄請為弟子守仁深器之嘉靖年間襲指揮世職招撫播州

叛苗吳平章老木皮等三千餘名陞洞庭守備轉福建都司隆慶二年陞廣西尋梧參將征府江東崖克破古

摺黃河橋洞等地加陞都督其子中選由諸生襲職萬曆年間陞雲南都司以材能稱旋回籍養病郭子章題補貴州都司坐鎮石阡保障無虞後奉委開諸葛洞修著勤勞

萬朝用 明嘉靖己酉科舉人官通判

楊正位 邑人生甫七歲父再翔慕神仙術雲遊十餘載正位朝夕哭泣屢欲尋訪其祖母禁之迫遊泮後乞假某學校齋戒禱天誓必見父遍歷西南將十年果于泗州城觀音洞迎回俄翔病親視湯藥夜不解帶者三月後子孫昌熾子領鄉薦官御史孫任都督以爲孝感

施秉縣志

鄉賢

五十七

云

楊通宇 邑人正位子號實先萬曆己酉科舉人初任陞昌令再任湘潭令皆稱廉能崇禎初擢授御史上疏請討九股苗苗謂舉臣一家慘害則處處戶戶可知懷宗建其言准如所請後巡按陝西兼提督全省舉政因在鞏昌失火焚毀文案謫黃州太守與弟友愛睦族賑貧祀鄉賢祠

何承光 明萬曆壬子科舉人官四川夔州府同知死難祀鄉賢祠

蕭時芳 號靈岡邑人嘉靖歲貢由四川叙寧縣訓導轉

國學錄博學多才入祀鄉賢

潘原魯 明萬曆戊午科舉人官四川偏州知州

陳輔世 號增益明舉人志存經濟會試後掣選雲南劍

川州時中原多故匹馬就道抵滇觀井邑蕭條嘆曰堡

賊之荼毒至此乎故下車首重招徠多方撫恤因而葺

城池修器械嚴保伍賊平大憲奇其才以擢異薦內擢

兵部武選司主事歷任兵部車駕司郎中移家滇省

孫哲 明隆慶庚午科舉人出任江西饒州府德興縣

知縣轉任雲南晉寧州歷升雲南參政

陶洪謨 縣人多智畧明季安邦彥叛上書巡撫王三善

施秉縣志

鄉賢

五八

署為守備從征三善敗沒洪謨軍獨全屢征諸洞蠻陞

貴陽總兵

何一中 縣人號少雀萬曆時歲貢歷任宣豐祿川二縣

多惠政文思敏捷與蕭時芳齊名所著有少雀山人集

行世

何云燦 明萬曆壬午科舉人官通判

楊通震 明天啟甲子科舉人官太僕少卿

孫台 明萬曆戊子科舉人歷任知州清廉慈惠轉由

靖同知會大理堡盜起監雷益兵籌畫勞瘁卒于行間

李為璉 明萬曆丁酉科舉人歷任推官

韓應良 號正寰 縣人 萬曆癸卯科舉人 性慈祥 耿介 任廣西岑溪令 謁臺使者 問曰 與某有親乎 意將庇之 應曰 無使者 默然 在任三年 不杖一人 不受一錢 以忼直忤大吏 掛冠歸

鄭大經 明萬曆癸卯科舉人 官知縣

李為珩 縣人 萬曆戊午科舉人 通經學 善書法 令涪川 中牟 以循卓著 聲遠磁州 保境息民 寇不能擾 陞戶部 轉四川副使

黃若金 明嘉靖戊午科舉人 官知州

許國柱 偏橋指揮 蔭襲 天啟三年 隨父攀龍 征水西 陣

施秉縣志

鄉賢

五十九

亡祀忠烈祠

李益蕃 明天啟甲子舉人 官黔陽縣知縣

朱士琦 字來聘 明崇禎間歲貢 博學嗜古 性端嚴 凡讀

先儒語錄 必焚香靜對 旋任清平衛訓導 得俸悉以資給 寒儒 解任回籍 行李只大明會典一部 而已 會吳逆 兵起 被執 憤罵而死

黃達尊 明崇禎丙子科舉人

鄭國珽 明崇禎丙子科舉人

宋騰熊 縣人 號微鉉 崇禎己卯科舉人 博學多聞 長於

詩賦 令寧海 半載辭歸 以詩文自娛 姪安全 孫應舉 皆

有詩名戊子秋張先璧逃至偏橋義勇葉孝拒之孝死
將窮治其族公毅然爭曰渠姓轟非葉也葉氏得釋馮
雙禮據平越聞其名起為監軍不受強致之得以賓禮
終全身而歸

徐登高 邑人明末官都督同知鎮平越孫可望自鎮遣
白文選陷平越被執以象脅之不屈而死

陳憲度 縣人明崇禎壬午舉人官石阡府教授孝友性
成父遠宦粵東卒於官與仲兄扶柩歸里廬墓盡哀事
繼母朱氏至孝母病篤焚香祝天願以身代母病復痊
兄弟友愛共居無間麻陽渠寇莫崇文等肆行擄掠憲
度以大義責之賊相戒勿犯全活甚眾於康熙五十三
年崇祀鄉賢

施秉縣志

鄉賢

六十

葉 孝 縣屬王家屯人明末張先璧逃奔偏橋名為官
兵實與流賊無異燒殺淫擄所至殘虐孝奮勇拒之遂
遇害鄉人重其義製木主祀三寶毛橋小祠

張國經 明選拔未仕歿

李 東 明歲貢任山西翼城縣知縣

黃明魁 明歲貢任福建光澤縣知縣

陳天佑 明歲貢任福建永安縣知縣

廖民望 明歲貢任福建光澤縣知縣

孫仲煥 明歲貢任江西德興縣知縣

王 溥 明歲貢任雲南宜良縣知縣

宋繼盛 明歲貢任浙江太和縣教授後陞山東壽張縣

陳宗器 明歲貢任廣東普寧縣知縣以平倭功升韶南

道副史

李文蔚 明歲貢任廣西博白縣知縣

田可成 明歲貢官知縣

熊起衛 明歲貢任平溪衛教授升義宜縣知縣

陳天貺 明歲貢任涇潭知縣

鄧國藩 明歲貢任江西進賢知縣

施秉縣志

鄉賢

六十一

陳大對 明歲貢任天河縣知縣

李時芳 明歲貢任四川黔江知縣

宋繼登 明歲貢任四川叙州府教授

陳大縉 明歲貢任荔波知縣

田慶明 明歲貢任思名分巡道

宋騰鵬 明歲貢任四川永川知縣

熊應周 明歲貢任河南州判

王宗仁 明歲貢任溧水縣主簿

何 灝 明歲貢任浮梁縣主簿

宋騰鰲 明歲貢任永寧通判

陳國珪 明歲貢任龍運衛訓導

李廷富 明歲貢任主簿

李嵩山 明歲貢任江西秦和縣教授

陳子明 明歲貢任湄潭縣訓導

李易提 明歲貢任黎平府訓導

孟秉彝 明歲貢任江西吉安府教授

雷曰豫 明歲貢任長沙府教授

蕭元濟 李東山 李文 李興棟 宋元弼

李相 鄭宗相 李亞春 周懷旦 劉文所

黃大本 李益我 鄧祥 孫大忠 陳天德

施秉縣志

鄉賢

六三

孫大成 鄧成翰 陳憲典 鄭國璉 鄭國宏

陳憲制 鄧國璉 鄭國翰 宋安嵩 鄭觀光

陶世隆 李必達 陳大科 以上二十八人俱明歲

貢生未仕者

宋安全 康熙癸卯科舉人官善安州學正

張拱樞 康熙癸卯科舉人官龍泉衛教授

熊士章 康熙癸卯科舉人官都勻府教授

孫世澤 康熙丙午科舉人棟選知縣

汪琰 康熙乙酉科舉人官江西黃溪縣知縣

宋安讓 康熙壬子科舉人棟選知縣

孫上元 康熙壬子科舉人揀選知縣

吳以仁 康熙辛酉科舉人官恩南府教授

張云喬 康熙甲子科舉人揀選知縣

黃元色 康熙甲子科舉人官平溪教授本餘慶人撥入

衛學

宋應舉 康熙丁卯科舉人官清浪教授

白世望 邑人幼孤未事詩書長而恥之凡有善事率先

爭赴康熙戊辰大水死者無算世望不嫌臭穢檢驗埋

葬野無暴骨鄉人咸稱其義

李 蕃 縣人一日三虎入市其父逐之虎撲父噬其腦

施秉縣志

御覽

六三

父禱虎急着奮往救之格殺虎父乃得生巡撫田雯旌

之後入武庫

陳 詢 號特庵縣人家貧力學有聲庠序康熙癸酉經

魁甲成進士歷知冠維容天河四縣皆稱廉明稱禮曹

擢御史歷陞大理寺卿持法平允著有百尺樓文稿五

經文集

陳嘉修 康熙己卯科舉人任黔西州學正

陶成理 康熙己卯科舉人官餘慶縣教諭

顧其宗 康熙壬午科舉人官山東單縣知縣

陳人珍 康熙壬午科副榜任龍泉訓導

顧孫蕃 康熙辛卯科舉人官福建海澄縣知縣

宋應任 雍正元年癸卯恩科舉人

曹登科 雍正癸卯科副榜任銅仁縣訓導

曹纘 雍正甲辰科補行癸卯科副榜

吳紹伯 雍正壬子科舉人

蕭宗韶 邑人有胆略乾隆間苗變督鄉勇充練長為縣

令蔡所倚重賊圍城將兩月民弱兵單危在旦夕軍門

坐鎮羊腦請援不至韶慷慨請曰小人願赴羊腦請兵

以救全城性命蔡公難之韶曰小人已與閩登龍籌之

熟與其困圉圍城不如捨死以圖僥倖蔡令壯其言具

施秉縣志

鄉賢

六十四

酒錢兩人行因謂兩人曰今日申包胥也好自為之韶

與龍裹糧晝伏夜行七日夜達羊腦哈將軍嘉其勇賜

酒肉慰勞許即發兵令韶等先回檄沿途兩馬護送至

興隆之玉峽飛虹遇苗奪騎去二人僅以身免

閩登龍 楚人幼入營伍乾隆間苗變招集鄉勇教練缺

乏邑令蔡公擢登龍為練總厚遇之登龍感激圍報每

遇苗攻城輒以忠義激眾眾樂為用故部下鄉勇所向

有功又曾居苗寨熟苗語于平越一帶路徑熟悉故毅

然與蕭宗韶負請兵之責

方臘 偏橋水關廖某家奴性慧直多膂力人故以方

臘名之乾隆間苗變搶掠城外兩江口居民牛羊眾懼甚臘奮勇持械奪回苗聚眾欲於其夜劫城因臘首柱其鋒苗潰去後遇苗輒先登竟以傷死邑令旌之事載陳特菴先生筆記中

李斯昇 乾隆己未科舉人後出任河南確山縣知縣

陳文豫 乾隆丙辰恩科舉人任江西安遠縣湖北黃安

縣知縣

白子圖 乾隆辛酉科舉人官浙江蒲東場鹽大使

宋文華 乾隆庚午科舉人官黔西州學正

陶准 乾隆壬申科亞元

施秉縣志

鄉賢

六十五

楊瑄 乾隆丙子科舉人丁丑進士

蔣爾軾 乾隆丙子科舉人官福建漳州府石碼通判

王廷臣 乾隆庚寅科舉人揀選知縣

李如臯 乾隆辛卯科舉人任仁懷廳訓導揀選知事

劉應源 乾隆庚子科舉人

陳瑒 乾隆癸卯科舉人

王奎光 乾隆丙午科舉人

王長庚 康熙二十五年選拔

陳政 雍正十二年選拔

陳文燕 雍正十二年選拔官河南陳留縣河廳

白子玉 乾隆十八年選拔官直隸涿州通判

劉有良 乾隆三十年選拔任修文縣教諭

張註 乾隆四十二年選拔

王廷矩 乾隆五十四年選拔

侯于唐 恩貢任龍泉縣教諭

白文粉 蔣爾軒 以上二名清恩貢任教諭及未仕者

宋安世 歲貢任廣西河池州知州

蔣崇彝 歲貢任布政司經歷

宋安貞 歲貢任赤水教授

曹起蛟 歲貢任貴竹縣訓導

施秉縣志

鄉賢

蔣萬科 歲貢任涇潭縣訓導

宋應序 歲貢任清溪縣訓導

宋應琦 歲貢鄉飲大賓

陳文默 歲貢任錦屏縣訓導

禹宗燧 歲貢官廣西永慶州吏目

陳廷祚 歲貢官山東惠民縣

宋子遜 田萬里 蔣崇勳 白如環 李時榮

孫世科 朱士毅 廖宗召 朱應星

侯秉德 孫上位 常朝殿 張如璉

張雲雯 侯祚昌 王運泰 張雲虞

李壯先 原籍 宋恩 孫 錫 營中 功

常三殿 外承 廖國 功 李 棠 吳以德

楊文潔 蔣以 傅榮 祖 安文 治 廖安仁

陳文 爵 廖先 知 陳 教 孫 淳 陳思 彥

高以 經 王占 鰲 李 蕙 黃金 榜 楊文 淵

宋忠 良 王 琦 唐 芳 宋忠 澤 宋應 璠

胡世 德 李 澤 崇振 倫 汪兆 鯤 蕭 治

張鳳 巖 李世 侯 晉 元 以上五十八名 清 朝 歲 貢

未仕者

張書 田 道光 乙未 恩 科 亞 元

施秉縣志

鄉 賢

十一

朱 所 道光 丙午 科 舉 人

羅大 春 縣城 史家 冲 人 由行 伍 出 師 粵 西 兩 湖 江 南 浙

江 福 建 屢 立 大 功 歷 保 提 督 衛 勇 巴 圖 魯 總 統 浙 江 水

陸 諸 軍 校 福 建 福 寧 總 鎮 旋 升 陸 路 提 督 調 署 水 路 提

督 統 領 火 輪 砲 船 新 開 臺 灣 北 路 後 山 番 地

羅大 明 縣城 外 軍 操 壩 人 由行 伍 出 師 江 南 浙 江 歷 保

參 將 署 清 江 都 司 歿 於 任

王作 霖 縣城 外 柳 塘 堡 人 從 軍 浙 江 平 貴 州 苗 叛 有 功

由 廩 生 歷 保 花 翎 同 知 銜 留 補 湖 南 知 縣

何文 韜 縣人 乾 隆 丁 卯 武 舉 拔 上 江 營 千 總 後 出 師 四

川拔漢中游擊歿於任

宋劭經 縣人道光乙未科舉人大挑一等分發河南署
鹿邑中年永寧等縣

王植基 縣城外坦泉人丁酉科拔萃選用普安縣教諭
朱日暄 縣屬容樓人歲貢署思南安化縣訓導旋授貴

陽府教授

陳允恭 縣屬容樓人歲貢署獨山州訓導

賀緒蕃 縣屬平寨人號幼承晚號息廬老人廩生咸豐
初洪楊之變佐江蘇巡撫翁同書幕府以功擢安徽泗
州蒙城縣知縣旋升安徽直隸州知州後以事去職歸

施秉縣志

鄉賢

六十八

里著書自娛有不波舫詩鈔一卷吹夢詞一卷行世而
家藏著作尤多尚待刊行居鄉十餘年壽七十五歲終

廖斌 縣屬西鄉黃泥箬人歲貢咸豐五年乙卯苗變

耕園六年頗著成效大府保獎五品銜湖南候補知縣
宋劭基 縣人由監生從軍浙江有功保獎五品銜升用

知縣銜留浙候補

廖永道 縣屬下扒山人由文生從軍浙江保獎縣丞曾

署浙江東洋縣典史

朱景章 縣屬馬溪人苗教合叛練團堵剿有功由文生

保獎教諭

王宗顯 縣人從戎有功由增生保獎鹽提舉銜候選訓導

蕭錫珍 縣人從戎有功由廩生歷保花翎同知銜湖南候補知縣并四品封典

宋嘉瑞 縣人同治十年苗叛堵剿有功由監生保獎典史

賀良楨 縣屬平寨人光緒丁酉科拔貢候選直隸分州號南渠

李鶴鳴 縣屬人光緒丁酉科拔貢

張松林 白拱施祠人縣學恩貢號子壽

施秉縣志

鄉賢

六十九

張文藻 白拱施祠人縣學歲貢號荅仙

楊熙 縣屬楊家灣人歲貢

張芬林 縣屬新城人州學歲貢號芷靜

廖炳星 縣屬新城人歲貢號錦軒

楊綬昌 縣屬楊家灣人歲貢號紫峰

楊瑞光 縣屬上鰲人光緒丁酉科恩貢號作六

楊和光 縣屬上鰲人歲貢號致齋

楊秀南 縣屬人歲貢號梅村

楊發榮 縣城人歲貢號而樵民國元年護理施秉縣事

宋嘉良 縣城人恩貢號秉丞未仕歿

楊克昌

縣屬楊家灣人歲貢號禮齋

楊樹聲

縣屬楊家灣人鎮遠縣學歲貢號朗圃

高維嶽

縣屬勝秉人歲貢號筱嵩

朱尚清

縣屬馮溪人歲貢

周魁士

劍河人縣學光緒乙酉科拔貢號友梅

劉啟彬

縣屬劉家莊人歲貢號茂州

蔣光濤

縣城人歲貢號波臣

楊國楨

縣屬勝秉人恩貢號幹臣

張上林

台拱施碛人縣學恩貢號子春

張森林

台拱施碛人縣學恩貢號樹塔

施秉縣志

鄉賢

卅

張汝翼

台拱施碛人縣學歲貢號芷拔

蔣宗頴

台拱施碛人縣學歲貢號葆貞

張朝昇

鎮遠人縣學歲貢號伯熙

韓霖

縣屬江西街人歲貢號叔璘

張芳林

縣屬新城人歲貢號漱六

潘桃

號仲安分縣屬巴圖寨人清歲貢咸同齒變投

効鮑爵帥軍中以功擢保河南省知縣光緒初入京觀

見中途為匪所阻歸遂絕意仕進在鄉整頓團練提倡

義學維持桑梓厥功偉焉晚年復精岐黃活人甚眾壽

至七十而卒鄉人至今思之

施才學 號博濟分縣屬巴圖寨人少勇武常出獵遇虎
所虎殺死虎去人三名施擒虎長鬚齒變投効後
督辦大春軍中時發匪揭緞江南諸名俱陷才學率鄉
勇克復閩浙數十州縣以功保至提督銜歷任福建長
福參府暨領昌協鎮三十餘年旋以身經百戰創傷數
十乞休歸里清帝眷戀宿將給協鎮半俸作退養金飭
該管官施秉縣按年由丁糧項下撥給宣統二年病卒
潘國林 號棟臣分縣屬響水村人咸同髮匪陷江南時
投効提督羅大春部下臨敵勇敢所向有功擢福建順
昌協鎮旋以病卒於任

施秉縣志

賢

七

楊鴻春 號杏園分縣屬龍巖寨人咸豐九年投効閩浙
軍中所向克捷以功歷保至藍翎守備歷著要缺旋以
積勞致仕歸里現年八十二歲尚存

曠文榜 號賢臣分縣城人由行伍於咸豐初投効楚軍
平發擒各匪屢建奇勲由六品軍功保獎副將銜加勇
號及克復南京各城池在事出力賞加提督銜並賜花
翎旋補四川富合協又委署建昌鎮督中協歷任恩威
並濟軍民感德後歿于任地方人士稱道弗衰

高聲揚 號竹筠分縣城人清武庫生于光緒二十六年
投効淮軍所至有功歷保至參將銜署貴州下江游擊

辭職後在桑梓籌辦團務請設義學旋因積勞病故地方人至今猶思慕之

宋復萬復壽與姪竹莊俱施秉城人咸豐乙卯苗叛三人急捐資數千招募團兵百名堅守東門三年苗石計莫入後來昏夜由西門偷入城遂陷時復壽因積勞病故復萬遇害於東門水關橋上竹莊亦遇害於骨尸巖現該三人俱各子孫繁衍事隔百餘載其大節猶嘖嘖人口云

施秉縣志

鄉賢

卷三

施秉縣志卷二

列女

楊再翔妻張氏 邑人適翔生子正位甫七歲翔遠遊十餘年不歸張事祖姑及姑至謹孝養無缺後翔回不半載疾卒祖姑憐之欲奪其志張拒不可延師訓子家貧歲歉矢志靡他五十餘年如一日

錢法妻史氏 偏橋衛人法歿史年十八廿貧勵節九十六歲卒成化間建坊旌表

楊友梅妻李氏 邑人友梅廩生早卒氏年二十遺孤文炳甫一歲守節撫育教訓補弟子員

施秉縣志

列女

七

陳氏 邑人失其夫姓名早死遺孤甫五歲晝耕夜織撫子成立年六十乃終

歐陽雍妻田氏 衛人年二十六故誓不再嫁冰霜自矢守節六十五年壽八十五歲崇禎間巡按梁炳旌曰瑶池冰冽

宋繼宏女 邑人小字關娘年十七未字流寇入黔擄掠婦女一日擁入繼宏室關娘閉戶自縊死

李逢春妻王氏 邑人王之廉女年二十六夫亡遺孤尚幼父憐其無依令同居不從避吳逆亂居鄉劬瘁度日撫子成立

廖定策妻劉氏 邑人定策中武舉赴會試歿于旅邸姑亦相繼歿劉水蘩自矢撫遺孤國璜為邑諸生苦節三十九年

鄭天錫妻郭氏 邑人年十六歸天錫時翁溥武定守倭郭同夫赴翁任二載生一子而夫卒郭扶視歸葬翁陞任廣信遣使迎不往曰兒識漸開習見富貴則驕侈素知艱難則勵志後值兵燹卒能撫子成名

蔣仕魯妻汪氏 邑人年二十夫卒遺孤為科尚幼汪截髮毀容奉養翁姑守節三十餘年先姑歿臨終呼兒媳囑曰吾病度不能起未送老姑終是吾遺恨汝輩須承

施秉縣志

列女

七

我志善事之

孫上元妻顧氏 邑人得字二十九歲適舉人上元為繼

室僅三月夫赴京會試越明年夏河水泛漲家業蕩析翁歿於水上元聞赴一痛而絕顧無子撫前妻之二子不啻己出四壁蕭然女紅贍口苦節二十二載卒五十

陳琦妻廖氏 邑人年二十適琦相敬如賓七載夫歿

遺子女各一廖痛絕復興立志守節家貧乏食採野蔬以療飢極孤成立

李之賓妻白氏 邑人年二十夫故家貧姑老子幼日食

豆粥衣僅蔽體姑歿只餘茅屋數間鬻以營葬有巨豪
百計奪其志白毀容守節撫子成立

以上七人雍正四年巡撫何世璠題旌

張國經妻吳氏 邑人適選貢國經年二十九歲守節上
事翁姑孝謹下訓諸孤成立康熙初年里人欲上其事
氏力辭乃止年八十四歲卒

潘璧應妻楊氏 邑人璧應歲貢不仕偽朝甘貧食力會
國朝師至璧赴楚省投誠病死年二十五歲夫志靡他
年六十卒

蔣奇魯妻李氏 年方少艾而魯家貧魯病數月勢幾不

施秉縣志

列女

十五

起顧天割股啖之立愈

葉某妻黃氏 邑人夫亡氏年二十五歲茹荼飲水孝事
孀姑嚴教孤子年六十九歲卒乾隆元年奉

旨建坊旌表

陳 瑤妻馬氏 邑人年十九歸瑤孝事孀姑後瑤患癰
難於步履乙卯苗變合村驚逃氏守夫不去瑤叱之速
走氏泣曰願代君死苗果至夫婦同時遇害

宋文曾妻曹氏 邑人文曾庠生亡時氏年二十二歲遺

子聯燦止八月矢志堅貞三十餘年乾隆十一年公舉

節孝製木主祀節孝祠

孫紹登妻陳氏 邑人年十九歸紹登未幾登死乏嗣氏
明大義撫猶子繡為夫後讀書成立乾隆二十九年奉
旨建坊旌表並祀節孝祠

雙列女 庠生李朝棟女吳逆之變賊兵到處淫擄二女
年皆及笄隨父避難不幸與賊遇二女恐受辱同死鐵
溪潭中教諭詹林為之立傳

曹登科妻朱氏 邑人適副榜登科年十八事翁姑孝值
姑病篤割股以進冬初姑曝暄樹下忽風折枯枝向姑
頭上飛來氏急前進護姑倉皇跌地而樹上大枝又復
墜下舉家奔救已無人色及視姑無恙所坐杌已碎矣

施秉縣志

列女

七下

氏滿面血污兩手抱姑不釋不覺被創也鄉里報經學
師教諭潘珍旌以孝格天心匾額乾隆二十五年製木
主祀節孝祠

汪兆鵬妻陳氏 邑人年十九歸汪次年舉一子未週歲
而汪歿氏毀容截髮誓不獨生翁姑泣慰曰爾死誰為
爾乳孤兒氏因強抑哀情撫孤天培入邑武庠不數年
翁姑病歿孤以承重克昭典禮氏年六十餘白髮如雪
孫曾疊見乾隆初奉旨建坊旌表

楊光前妻張氏 縣屬勝東楊家灣人歲貢張文準胞姐
夫歿撫孤守節年八十餘歲卒光緒乙未經知縣楊蔚

南題請奉 旨建坊旌表製木主祀節孝祠

周國泰妻楊氏 縣屬勝乘楊家灣人附生楊聲元胞姊

氏年二十一歲歸國泰數月國泰病故氏以身殉光緒

三年經知府汪炳璩給以離明夫決匾額旌其門

張敬勝妻李氏 縣屬新城人咸豐六年苗匪九月十五

日城陷氏攜子婦及諸女閤家十八口赴寨胆河投水

死以殉節

金烈女 縣屬新城人咸豐六年九月城陷女為苗俘至

三丙大塘不為苗所污以酒誘苗醉釀殺之自投水死

蔣貞女光瑩 縣城人歲貢蔣光濤胞妹父母早歿依兩

列女

七

施秉縣志

兄以鉞齋度日守貞六十年卒民國六年知事馮政修

給匾額旌其門

楊玉萍妻秦氏 縣城人咸豐五年苗變破城倉皇間家

人驚散各不相顧氏求翁姑不得遇苗城下遂殉難全

節

宋嘉謀妻蔣氏 縣城人歲貢蔣景山女年十七歸嘉謀

後嘉謀病故遺孤二氏年二十矢志守節撫孤成立現

年六十歲尚存宣統元年知縣王靈顧給匾額旌其門

並奉旨建坊

蔣光文妻蕭氏 縣城人蕭應華之女夫死乏嗣時氏年

二十二歲撫族子蕭先民承祀宗祀苦節三十餘年現年六十二歲尚存

楊玉潘妻龔氏 縣城人咸豐五年苗變城陷殉節

楊隆璋妻蔣氏 附 妾劉氏 縣城人咸豐五年苗變城陷

殉節

楊玉琛妻鄧氏 縣城人咸豐五年苗變城陷殉節

宋復萬妻駱氏 縣城人咸豐五年苗變城陷殉節

宋為松妻金氏 附 女粉姑 縣城人咸豐五年苗變城陷

殉節

宋復帶妻楊氏 縣城人咸豐五年苗變城陷殉節

施秉縣志

列女

六

宋紹湘妻李氏 縣城人咸豐五年苗變城陷殉節

宋復向妻冷氏 附 女觀鳳 縣城人咸豐五年苗變城陷

殉節

宋復育妻陳氏 縣城人咸豐五年苗變城陷殉節

蔣廷玉妻楊氏 縣城人咸豐五年苗變城陷殉節

蔣瑞堂妻李氏 縣城人咸豐五年苗變城陷殉節

蔣笈軒妻宋氏 縣城人咸豐五年苗變城陷殉節

王殿鳳女接弟 縣城人咸豐五年苗變城陷殉節

蔣氏女一珍 縣城人咸豐五年苗變城陷殉節

馮成修妻宋氏 縣城人咸豐五年苗變城陷殉節

周秀洪妻馮氏

縣城人咸豐五年苗變城破殉難全節

岑中祥妻黃氏

縣城人咸豐五年苗變城破殉難全節

岑中福妻田氏

縣城人咸豐五年苗變城破殉難全節

岑發仲妻楊氏

縣城人咸豐五年苗變城破殉難全節

宋嘉培妻程氏

縣城人咸豐五年苗變城破殉難全節

楊希周妻劉氏

縣城人咸豐五年苗變城破殉難全節

劉泰鳳妻朱氏

縣城人咸豐五年苗變城破殉難全節

劉泰來妻侯氏

縣城人咸豐五年苗變城破殉難全節

周文友妻鄭氏

縣城人咸豐五年苗變城破殉難全節

侯松妻朱氏

縣城人咸豐五年苗變城破殉難全節

施秉縣志

列女

七九

侯文煥妻鄭氏

縣城人咸豐五年苗變城破殉難全節

蕭元輝妻劉氏

縣城人咸豐五年苗變城破殉難全節

蔣友同妻劉氏

縣城人咸豐五年苗變城破殉難全節

蔣長壽妻王氏

縣城人咸豐五年苗變城破殉難全節

蔣大方妻宋氏

縣城人咸豐五年苗變城破殉難全節

王培元妻李氏

縣城人咸豐五年苗變城破殉難全節

王殿臣妻薛氏

縣城人咸豐五年苗變城破殉難全節

歐起龍妻張氏

縣屬勝秉人氏年十九歸起龍年餘起

龍經商溺死遺一女無子氏撫挾子大相承祧教養成

立現年八十五歲孫曾登見民國八年知縣杜熙筠請

予旌獎

歐大相妻石氏 縣屬勝乘人年十六歸大相生二子二女而大相病歿氏年二十五歲感姑義矢志撫孤苦節三十九年家貧鉞荷自贍現年六十歲尚存子孫繁茂俱事儒業民國八年知事杜熙筠請予褒獎

楊長青妻吳氏 縣城人咸豐五年苗變城陷殉難

楊長芳妻段氏 縣城人咸豐五年苗變城陷殉難

錢大榮妻宋氏 縣城人咸豐五年苗變城陷殉難

錢大明妻廖氏 縣城人咸豐五年苗變城陷殉難

錢大春妻潘氏 縣城人咸豐五年苗變城陷殉難

施秉縣志

列女

八十

錢大發妻楊氏 縣城人咸豐五年苗變城陷殉難

楊王良妻朱氏 縣城人咸豐五年苗變城陷殉難

宋紹忠妻蔣氏 附 女惠珍 縣城人咸豐五年苗變城陷

殉難

楊貞女元貞 分縣屬江西街人縣庠生楊雋之胞妹於

光緒初年因父母早逝矢志不嫁撫兩弟雋傑成立均

入邑庠不幸雋傑相繼病故撫姪國鑫國璧成長姪謀

赴省完金師範學校畢業今家聲漸振貞女之力也現

女年五十二歲守貞四十餘年尚存

楊貞女陶英 分縣屬龍頸耆民楊靈光長女靈光早年

生子不育僅此一女女性慧知大義見父母年老無嗣
勤奉族人子承祀已負劬育之責平居矢志事親以女
代子經紀家事若將終身及父母相繼歿喪葬盡禮洵
女界中之君子也女苦貞四十年現年五十餘歲尚存
劉光電妻黃氏 縣屬綿竹山人年十六歸劉生二子昌
懷昌河八年後夫病故矢志苦節四十餘年撫兩子成
立娶媳王氏莫氏無何長子昌懷卒遺一子一女未幾
子女並歿媳王氏年二十歲感姑義亦矢志柏舟次子
昌河未久亦歿遺一子詩林媳莫氏仍矢志撫孤現將
成年肄業縣城高小學校一門兩世孀居撫一孤以存

施秉縣志

列女

三

劉氏宗祧現姑黃年六十六媳王氏莫氏亦各年四十
餘其貞操洵有足風者

偏橋長官司 宋時安崇誠以功封威信英烈侯子文檢
 昭武大將軍數傳至源於明洪武元年以功授鎮遠府
 土司知子德可于洪武三年改授偏橋長官司累傳至
 顯祖于清順治十五年准襲前職顯祖子容治於康熙
 四十二年承襲有印又數傳至德隆於光緒元年承襲
 德隆傳子鴻敷現襲斯職管轄地曰東門砦安寧砦平
 寧砦上甲砦四砦面積約二千方里居民一千六百餘
 戶漢夷參半位置在縣西北風俗生計與縣同

偏橋左副長官 明洪武元年楊前灘始授武烈將軍洪

施秉縣志

土司

八十二

武二十年改授偏橋長官司左副土官累傳至通聖于
 清順治十七年承襲前職通聖傳子先泰先泰子清于
 雍正十年承襲有印又數傳至維屏于光緒初元承襲
 維屏傳子其明現襲斯職管轄地曰中寨砦半寨砦石
 家砦何家砦四砦面積約一千六百方里有奇居民一
 千四百餘戶村寨苗漢雜處位置在縣東北風俗生計
 與縣同

偏橋右副長官 宋時楊通賽以功授偏橋軍民左副長

官再傳至通誠於明永樂二十年改授右副長官累傳
 至毓秀于清順治十五年承襲前職毓秀傳子再培再

培傳子綬于康熙六十一年承襲有印綬傳子益英益
英傳子希賢希賢傳子大成大成傳子玉立玉立傳子
秀杰秀杰乏嗣嫡叔春榮襲職春榮傳子秀淇秀淇傳
子再蕃現襲斯職管轄地曰平車洞窩寨洞世戶洞寶
蓬洞四洞面積計一千六百方里有奇居民一千五百
餘戶苗寨居多位置在縣東南風俗生計與縣同

古蹟

楊公堤 邑城北門外為西正二街初大河由黃平街沿中窰門首而下西正街後有菜園廣約數千畝園外有校場塢嘉慶道光以來水勢漸趨河內知縣楊書魁于道光中任斯土深憂之捐廉築堤乃工未竣而瓜代以致不數年而崩塌如故今雖土石無存而西正街之未被水湮沒者實得楊公之堤防有以致之也

龍門 邑城北三里有鯉魚塘深不可測河干一山酷肖魚狀昂首掉尾躍江而上高數百丈鱗甲鱗鬣如生山側奇石巨細磊落如龜如鼈如蝦如蟬排列縱橫隨魚而上魚頭向處

施秉縣志

古蹟

古

山勢微坳邑人於道光晚年建築龍門製極工巧山畔一石壁立百仞書化龍石以實其境地為思石孔道兵燹後台址猶存而龍門不可復覩矣

蒸雲碕 城北二十里甕哨前有碕兩廣僅丈餘深邃莫測時有風習習從碕出天將雨則霧蒸蒸如釜上氣一縷干霄而碕中鼓囊益甚重重疊疊愈出愈紛未幾故日漫天山雲四接混合一氣倏需甘霖雨霽宿霧漸收清風徐徐仍自碕中引出農人多于此占晴雨焉

四潮碕 城東順流而下為諸葛碕兩岸懸崖壁立頂覆若雲體隱形聯遠視之幾不知有江流其間者昔所呼甕碕是

也而西岸之險益甚山腰微凹丈餘中有一洞人跡罕至深
邃莫測子午卯酉四時水自洞中突出飛流崖下愈出愈大
初若飄風疾雨驟至繼如瀑布直注江中舟人初至者靡不
驚訝片時旋泯故名四潮

無心樹 邑西黃連箐道旁有柳樹大數圍剝火燒其心空大
如屋可設席几其下已根盤皮糾也仰視枝幹蔽日參天秋
冬不殺其青苗平後葱蒨郁茂尤甚于疇

老硿 城西三十里古礮側近黃平界其灘壑不盈丈僅可容
舟長約半里許上高十餘丈河水奔流聲如雷鳴每行至此
如石滾坡如箭脫弦瞬息即過舟下時河水奔赴浪高於蓬

施秉縣志

古蹟

十五

蓋較諸萬硿為尤險也是硿開在諸萬硿之先故名

金鐘硿 在金鐘山下洞口闊二丈有奇相傳邑紳楊光斗與
山僧秉燭入行不數武忽啟一門僅容身斂手足蛇行而入
幽深廣濶洞中石乳結成種種奇幻有如瓔珞者幢幡者鐘
鼓鑪鼎者像大士者像羅漢者龜者蛇者飛者走者如牀榻
者如几座者上覆巖頂如夏雲奇峯重疊錯落美不勝數洞
至此處又另闢一竅匍匐而入洞中之排列懸墜者奇譎不
可名狀足履處半係河沙半里之遙忽有河流低處水積成
潭循崖岸而過崖窩似床有蛇大于巨椀僵卧其上斗驚訝
不已僧曰此洞神也何驚為蛇亦不為害急趨前進計十餘

里洞中水吼有風拂拂自洞中出不敢進遂返過前大蛇處
蛇藏不見及出日已薄暮矣回憶洞中景緻爽然若失

華嚴洞 距邑城東三十里橫突一山洞開崖腳相傳明季有
張某初入宏敞儼如三楹屋宇兩旁怪石羅列如蹲獅如駭
豹洞中石乳下垂如浮雲如飛鳥玲瓏錯落愈玩愈奇右折
景象愈譎幻行至此而洞漸低小漸幽暗人俱偃僕行藉火
光屈踵俯伏如蚯蚓蜿蜒十數武豁然開朗有四墩石皎潔
無塵為遊人憩息之所左轉為番僧講經堂鐘磬木魚擊之
各應其響再入為老君鍊丹處藥爐茶灶形迹宛然清淨絕
塵陔前無路木梯橫架石室天成空洞兩頭可容二十餘人

施秉縣志

古蹟

八十六

鬼斧奇絕令人心悸忽有聲如管絃洋洋盈耳手捫巉崖回
頭下視則半畝方塘水色澄鮮中有石柱一擎撐石盤如荷
葉柱長丈許中空外直葉寬三尺餘高出水面崖乳滴其上
溜入其中浙瀝上下清響不絕相傳水底有龍時入石盤嬉
戲故名之曰龍床榻乘輿前往以翕其異導者云長老常道
其中聞金石聲輒止蓋知其為金盆村春響答離硯口已三
十里許矣自長老圓寂已無步其後塵者乃扶何路而歸
夾泉巖 邑城東五十餘里新城附近環城皆山其東南林
壑尤美出郭里許有雙崖壁立陡絕千仞如斧鑿成平板切
合中間一線泉自巖隙中出潺湲有聲四時不竭旱澇無盈

綿味甘而冽崖下有田數十畝為張處士別業

異泉 邑城東北由沙坪橋溯江凱河而上約二里許有異泉焉溪水涸時泉在河岸漲時泉在河中自地湧出泔泔有聲四時如一無盈歉消長人至聒以聲頓以足水即立涸俄傾泉出如常再試再驗亦歇泉之最奇也

黑白沙井 在新城城南半里許泉自地中湧出底鋪黑沙色如鐵屑其一稍偏西南隅則白沙一片如銀砂玉粒土人因以名之兩水俱清冽澄澈不染纖塵天有旱澇而水無消長下灌田數萬頃四官庄下九若一帶居民蒙其利者數萬姓水德未可泯也

施秉縣志

古蹟

八七

三湖水 在新城汎西五六里水自漲湧出每日倏而清候而濁當其清也晶瑩澈底荇藻可辨及其濁也如金液掬而飲之味甘不過清者非橫行行潦所可比擬亦奇也四時盈盈一泓而旱不逾常度紅岩白堰田畝藉資灌溉焉

飛水崖 新城西南二十餘里有地曰李家橋橋左峭壁千尋陡不可上瀾間河水自上飛空數百丈而下如銀濤如雪練吼聲如浙江潮至其下雖盛夏不蒸故村人往往來此避暑焉其景殆不亞廬山之瀑布特秘在蠻地人少知之者

清濁泉 城東二十里地填坪有泉自山中出午前澈底澄清午後水止不出少許濁流如注轉瞬清漣可飲甚異焉

文筆山 在舊縣城北圓聳插天形如卓筆土人呼為已施山
川洞 在邑城南溯小江而上十五里許山嶺重複峭壁千仞
至川洞山腰閃出崖屋山嶺崖覆如蓋墜石不能入洞門屏
石排立如女牆仄徑紆徐牽蘿而上洞中墮石直墜河干邑
城克復賊巢俱塌而餘匪猶負隅于此以相抗拒屢攻不克
蓋有險可憑也後邑宰任崇儒暨誠字營推誠招安苗始出
焉

大岩門 城東二十里有洞在高碑山背距大河五里許山勢
排列高聳下開一窟大於屋可容千餘人洞前有田數十畝
洞嶺復通一竅由洞架梯直上有洞更寬闊深邃洞口若戶

施秉縣志

古蹟

二八

若嶺可以眺望洞外大山一幅如屏如障眺矚極遠可以覘
敵之來巧極天工苗逆倚為堅巢大軍克復邑城屢攻不下
楚軍赫字營因攻此折兵極夥顧環攻日久苗糧盡勢窮相
率出降楚軍以折兵太多之故殺降苗殆盡邑宰李占魁苦
諫不從後竟以是之故致匿山之苗復來據此屢招不降即
各寨之欲降者亦猶豫焉懼降而見殺也越年餘缺始平
金鐘山 邑城東南七十餘里中東楊家灣地方有崖峰排起
矗立雲際高約數百丈左右各三峰中峯特高約占地面九
百畝沙石結成上削下廣形圓肖鐘如刀鑿如斧削無砂泥
無草木惟峯頂有土一片平坦可十畝前人掘磴而上構殿

宇數供奉神像圍以花草竹木至風日清美之時登臨其
二俯視其下方極目千里台陽海水均在指顧間洵苗疆之
勝境也

雲台山 在城北三十里為邑中勝景明徐道人遺說尚存明
將軍鄧子龍有詩紀勝成豐苗叛遺說碑碣無存

松山 在雲台山側洞中一拳崛起層疊肖塔相傳總兵皮熊
創闢其上

蓮花峯 在城北清泉白石環抱如蓮放論層雲若隱居其下
苗叛遺跡無存

諸葛洞 在城東十三里望城坡下古名甕蓬洞兩岸懸巖絕

施秉縣志

古蹟

九

壁高濶數百丈其中有灘三層明萬歷年間巡撫鄧子章天
啟年間總督楊述中皆委官開鑿順治十六年總督趙廷臣
巡撫卞三元因黔民饑饉軍需匱乏乃檄新鎮道徐鴻業副
將三可復疏濬此洞積楚米萬石由洞二百四十里輓舟銜
尾而上竟達於黃平城下人或說以為神有乙卯苗變當事
屢次開鑿搬運楚米百餘萬來黔而黃平白泥青平凱里各
難民口糧竟不勞人力焉今則船隻通行官民兩便惟夏月
洪水泛漲上下頗覺艱難

鷄冠坡 在舊縣北山勢稍拔明時軍民會哨於此

鼓樓坡 在舊縣北明萬歷年間設防於此

石牌坡 在城北二里往來思南石阡要道坡高五千尺崎嶇
陡絕有一夫當關之險

大頭坡 在石牌坡左古名得勝臺又名狗頭至明季苗叛有
謠云要得狗頭開必須下雪來後有夏荷二姓領軍來攻始
破而可見其險峻也

扎山坡 在城東明時征苗扎營於此故名

仙殿坡 在城西北紫崗關側其坡最高天旱時土人禱雨必
應

打杵巖 在城東五里為鎮遠必經孔道巖根壁立河畔為水
所逼以木作棧其上後焚以石故名曰偏橋

施秉縣志

古蹟

九

廖家巖 與打杵巖相向明初廖道士立壇於此曾有三百鶴
繞之今其址猶存乾隆四十九年建魁閣於上今仍之

漏日巖 在城北石骨雄峙有竅中通日光山色互相輝映

觀音巖 在城北巖臨江畔若觀音之渡慈航涉彼岸者

響泉 在舊縣治後泉聲觸石如雷隆冬不減土人名曰響
泉

自家塘 在城中

鄭家塘 在城中以上二塘不知掘於何時

百文泉 在城北石壁數百仞水自上而下若委練然無雨雲

而潤田百頃歷蕩匡山未足奇也

犀牛泉 在城東飛山廟後寬數丈寒氣逼人

龍井 在城報恩寺側觀音閣下其水出石穴中味與四方井

同

四方井 在城西冲李宅畔即總志所謂湧珠泉也

官井 在城內有二一在北門街畔一在白家塘畔山勢自西

而北南向開此二井以通地脉如蝦之有鬚古人名為蝦鬚

水

日光洞 在城東馬鞍山麓曾姓屋側洞口寬故其深不可測

有水成溪乘炬入照似有五色魚遊戲其中以手探之則木

葉也深入里許有日光下照更為異境明季衛人張丹霞參

施秉縣志

古蹟

九十一

禪其中監軍顏雲漢命名日光云天啟末年太僕寺卿黃龍

先謫偏橋與丹霞友善題曰澄潭深洞都督黃越復捐貲建

閣其旁為張氏世業甲子孝廉張雲霽偕子姪輩於此讀書

焉咸豐苗叛閣宇被燬今尚未修

佗牛洞 在城東望城坡左側因佗牛常宿於中故名或名為

白雲洞

彌勒極 在雲台山前石壁孤峭上有台明冷水道人自台卜

居於此名之曰蝸房

斗母洞 在西華山側中有石鐘石鼓蓮花諸勝

三潮水 有二一在地壩黃塘一在諸葛洞武侯祠巖畔每月

三潮甚為靈異

鐘鼓洞 在雲台山腰洞中，有石如鐘鼓，叩之其聲清越，故名。
飛鳳石 在南三里大道旁，有石二，酷肖鳳體，一開翅一闔翅，如雌伏雄飛之象焉。

觀瀾亭 在魁閣下，兩江合流處，咸豐六年為苗燒燬，未重建。
拜經臺 在雲台山，有石三，丈長丈餘，巖壁獨立，高懸萬仞。
徐道人拜經其上，故名。

禮斗亭 在日光洞側，明都督黃越為張丹霞所建，咸豐燬于苗，未建。

道士壇 在城東廖家巖，相傳為廖道士召天將所築，其址猶

施秉縣志

古蹟

九十一

存

八閤亭 在藍橋，明萬曆時建，自燬於苗後未重修。

松濤亭 在雲台山，畔明冷水道，人所題，今僅存其址。

玩易軒 在城西北隅，明孝廉李為珩讀書處，見府志。

百尺樓 在城東，明孝廉陳憲度讀書處，見府志。

聽松樓 在城東，明孝廉宋安全吟咏其上，取以名集，學使畢

公忠言序之，門人張寅撰刊於滇以行世。

宋誠蓋 在城東，白水堡，誠原籍，安徽定遠縣人，先誠父均寶。

於明洪武間從戎，有功，授職校尉，後誠襲職，改授昭信校尉。

一紀之間，歷職三衛，調升偏橋，在千戶所，出師白洗陣亡，勅

武德將軍准世襲指揮

蔣綬墓 在城西埧羅屯綬原籍安徽定遠縣人明洪武間征南有功陣亡勅封懷遠將軍准世襲指揮

宋安全墓 在城西北郭外堤上廟坡上有道行相傳為冷水道人高弟臨終時自書墓碑曰神全道人之墓又自撰墓聯云北邙草木月三更那堪高枕南極文章天兩旦誰與細論按安全曾中明清兩朝舉人故云

王克仁墓 在北坡克仁原籍山東人明洪武間從戎有功授昭信校尉後南征升千戶所封武威將軍

宋騰熊墓 明舉人任雲南監軍道墓在城南宋家冲

施秉縣志

古蹟

九十三

廖垓晚墓 在黃連箐原籍湖南臨武縣人明洪武領軍征黔有功授職百戶子孫世襲其職

巴團 分縣屬地距施秉九十里為丹江白拱黎平古州出鎮遠之咽喉雍正初年生苗變亂提督哈元生命部將巴勇屯營於此時苗眾兵單勇大振團練苗不敢入土人遂襲其名為巴團營壘煙墩遺跡尚存

藝文

建施秉縣城碑記

明提學 李白材

嘉靖乙丑冬施秉縣城成施秉縣者鎮巖邑也古牂牁地明興
內附置縣設官正統甲子始縣當峯黃景洞間西控播凱南枕
洪江皆封豨豺獠之鄰而伏弩表甲之地也獨一而北通郡治
走滇楚而通上國施固則播洪之苗不敢窺鎮陽而滇楚路通
若人身然鎮為襟喉而施為肘腋也肘腋嬰患則襟喉梗故施
秉雖小邑實鎮重地也論者謂欲固施秉則城守為急成化間
守臣嘗議城峯麓諸堡會工鉅不果尋稍調番休衛卒為戍守
計嘉靖辛酉容山司構亂環甲挺戈焚劫縣治時戍卒無能禦

施秉縣志

藝文

九十四

者居民竄巖穴間喘息求且夕活賴一二帥臣整師誓眾殲殄
元惡縣境旋復而橫羅兵燹者莫可救藥矣使當時城數雉而
守之苗雖悍豈能蹂躪至此中丞柱峯趙公奉璽書至嘆曰患
為備已無及矣奈何不及早圖之乃與白察巫公協議為城守
計謀之守巡徐君敦張君廷柏僉畫允諧乃檄郡守袁成能守
備孫繼武鳩工畫地同知何承訓董其事計費金一千六百有
奇粟一千九百有奇堵四百一十有奇經始于壬戌孟冬歷三
載乙丑冬告成維時中丞仰亭陳君侍御春樓潘君甫下車揆
文奮武圖萬世之利嘉前畫而樂茲城之有成也謂材職載籍
當記材按春秋書城郭巖外防也書城堞慎內治也易曰王公

設險以守其國豈惟山川拉陵金城湯池固為險設也故和我城而北馬不敢南牧青澗城而夏人不敢東向用此道耳况施秉當鎮扼塞較之和戎青澗功未知先後豈無當於易象春秋之義乎雖然城可守也不可恃也晉陽之城不浸者三版而卒能捍敵存趙子囊城郢而沈尹戍非之豈真城無益哉故城一也善守之則環堵皆堅壁不善守之則百雉為寇壘語曰公侯干城在得人也眾志成城在得民也是為記

創建偏橋衛學碑記

碑在縣學署外兵燹殘缺

明湖廣撫

秦金

偏鎮平清為楚西邊邑壤錯於黔舊皆苗穴我太祖高皇帝靜之以武一切用武持之故曰衛其於文德誕敷未暇也迄今

施秉縣志

藝文

九十五

累洽百有餘年猶有震驚我邊邑如香爐山之苗阿傍者今上赫然斯怒曰文盛曰金汝徂征予嘉乃丕績臣金奉命惟謹丁丑束裝越辰龍而前馳於兩山之間山相屬無間斷累數驛乃得一平曠者曰偏橋楚之偏邑至是而盡然其四顧亦山也水自高瀉下束之以甌蓬碕石錯出其間如林立頗有奇氣乎時據鞍顧盼自雄曰文德誕敷斯地其有聞必先乎詢諸父老父老曰師儒設矣方有事於黌宮而廩增附之額未定也余曰需之無難者秋八月香爐山平冬十有二月班師仍道出偏橋諸父老環而道曰大人武功既振獨不從事於文德乎今偏處萬山之中土瘠民貧人事減少於楚省雖不逮他邑然軍衛子弟

多秀而文津津乎向學靡倦誠有如大人前所云云者今蠻宮甫畢適遇大人之凱旋請銘之以當息壤予曰善古者天子諸侯自國至於鄉黨皆有學博置教導之官而嚴其選朝廷禮樂刑政之事皆在于學士所習而觀者皆先王之法言德行治天下之意其材亦可以為天下國家用苟不可以為天下國家用則不教此王安石教之之論初無所謂八股也而後世顧買買馮徒役志於八股謂安石以八股壞後世之人材則亦誣矣諸生反是而求之則為臣必忠為子必孝抱仁而行戴義而處有忠信以為甲冑有禮義以為干櫓雖強悍如阿傍據險如香爐視之如發蒙振落况誕敷所至莫不革面洗心舞干羽于兩階

施東縣志

藝文

九十六

以彰天子之文德寧尚煩師武臣力哉然則衛學之建所係匪輕也爰不辭固陋而為之銘曰山青水奇建學惟宜偃武修文此正其時家用書詩以變蠻夷化流澗溪涵泳聖涯俗易風移豈羨雜碑時正德丁丑十二年十有二月二十五日也

新河記

碑在施東縣東諸葛祠

明巡撫

郭子章

萬曆辛丑春正月予統兵會楚粵師討皮林三月克之四月班師還貴陽道經偏橋城畔河流環繞衛郭滲灘可舟而江絕帆楫予未知其解詢之父老父老進曰此去五里許有三洞名諸葛洞巨石嵯峨橫踞江心餘磧磊磊鱗次戟列水流至此驚波轉騰望未幾奔即芥為之舟頃刻而膠予曰疏川導滯以鍾水

而豐物古之人有行之者而若是其難也明日詢之諸監司諸
監司進曰是河之闢其為利豐矣野航輕舸即極隘者受四五
人載三四任省夫騎之半為驛傳便賈客自鎮遠券一騎不能
負百觔而一舟可貯十百為商旅便乘自楚一葦至黃平而割
分於餘豐龍涓四邑為經理便省城負乘七百里而今去其半
以從水為濟饑便頃夜部之役楚粟饋於洞下今抵黃平異日
脫有急為軍與便予曰便若是而數百年來無議疏決者何也
諸監司又進曰是河之難闢微獨石障已也而費資亦鉅偏故
楚轄而黔之邊隅也楚力裕而鞭長莫及黔藏絀而舉贏難支
白吾何以代斷也且偏人利於開以通商而牟其利鎮人利于

施東縣志

藝文

九十七

塞以留商而獨牟其利百計阻撓或陰釀金以餌石工石工曰
是頑悍必不可鑿者故數舉而數輟乃偏人亦自謠曰若令三
洞開除非諸葛來黃眉皓髮習聞其說亦以為天險人力無如
之何予曰徹黔楚之藩而獨任其費其責在我鎮人阻撓者吾
責之鎮守匠受餌而輟工者半水西人吾責之宣慰塗人可為
厲行所無事則智亦大而何較于諸葛之謀予將躬視焉明日
汎一棹直抵洞口予與諸監司周邈相度予曰石即巨無若龍
門牛峽之雄也費即侈無至白馬玉壁之沉也其險可鑿而吾
力猶足辦顧誰可任此者諸監司曰都司錢君中選偏人有心
計宜莫若錢子乃顧錢曰屬之子矣錢君唯唯予復愛其黃絲

而却水恣搜討於江澗得一洞似荷葉之半名曰半蓮在突起一臺外臨江潭內不倚巖牆名曰妙高臺臺上橋之可入洞名曰接引橋洞前匯為二大浸名曰上蓮池下蓮池東西二山如巨屏刻其石一曰大屏山一曰小屏山予以其勝似武夷總名之曰小武夷而刻於洞口石壁日暮返棹入城明日趨清平至新添晤宋直指公告以故公曰宜急圖之予還賁陽筮日為文告于偏橋山川以六月六日經始開第一洞自沙築堤至老虎口出沈家浴又由砥柱石黃石板至夾船口其石如堂如坊如宮如霍約共百十有六丈八月八日報竣次開第二洞自團倉石歷半蓮洞前至小屏山下石磷磷不似第一洞之嶠而扈者

施東縣志

藝文

九十八

蘇者嶧者蜀者墜者重巖者絡繹不絕約共六十有八丈九月十日報竣次開第三洞自二洞塘以下至沙石岩山大小別鮮不相連石旁岸層多礪礫多礮多排碕稍易為土共三十有五丈九月二十五日報竣鎮舟挽而上偏舟放而下而渠成矣是役也為日僅百有二十朝夕石之匠五十鐵之匠二十匠之役夫二百有奇匠之餉六百鍾有奇匠之值百二十金有奇督匠之工錢君主之指揮韓紹梁千戶劉應麟葉正暘經歷王樞倉大使謝宥陳旻佐之餐風宿水之須臾雖役所守備董龍王之棟指揮許繼祖把總王允聽間捧手檄一至而省視焉諸首建議而襄成事者總兵官都督陳君璘右參政尤君錫類右參議

張君文奇副史洪君澄源袁君應文劉君冠南副總兵陳君寅
例得書于石陰

請剿黑苗疏

明御史楊通宇施秉

題為兩江九股黑苗宜殄懇乞聖明專勅有謀文武急行撲滅
以固黔疆事竊查黔方鬼國面面皆苗如平清偏鎮則有九股
兩江之黑苗錯壤於府州縣衛之間頻年遭其荼毒所至盡成
坵墟控人之墓梟屍索錢擄人于巢非刑勒贖焚廬舍割田禾
解肢體剖心腹此惡苗之罪狀極矣即臣前母舒氏曾被掘塚
割首胞弟通寅亦遭擒獲笞枷田土盡為佔據賦稅久累填賠
舉臣一家之慘害則戶戶處處可知即以往事論之將土官張

施秉縣志

藝文

九十九

國威抽腸割鼻居民擄入巢穴苗之橫暴言之寒心然其所以
至此者皆緣於數百年來無所懲創致養成尾大不掉也臣本
黔人雖為桑梓計然尺地莫非王土苗逆不除終為黔害况水
火迫身者府州縣衛之民不獨於臣已也倘不縷舉下情先行
入告則上負聖上知遇之恩有愧言官之職臣實受其害非採
訪聽聞者比伏乞天語丁寧勅下痛剿則黔害除而黔疆固矣
統俟 皇上省覽施行崇禎二年四月十五日題奉 旨黔苗
宜剿這奏內說得明白著新督臣定計實行

新建偏橋衛學碑記

明太僕寺卿喬龍光

聖天子建極維新國之疵民之病胥舉而洗濯之雖云率由祖

宗舊章而其氣象固已無乎不新矣即不才腐朽如龍光輩往歲丙寅以愚忠櫻逆璫之鋒謫戍偏橋自分荷戈執殳長為邊疆禦魃魃填溝壑不意深沐 聖天子雨露得洗濯自新復側身鷓行矧祖述堯舜憲章文武尤天子所寤寐思服者有不尊而崇之如中天光景常新耶偏橋楚巖邑也道險而地穴于苗其土瘠其人樸其俗儉而質中州士大夫之所不齒也然其土瘠則善心易生人樸俗儉則教化易行自正德癸酉建學以來英才輩出斌斌乎與中州爭勝其學宮始肇于此繼遷于西今移於中作其堂奧勤其垣墉惟其暨茨惟其丹雘興賢育才之地可謂日新矣而士不興其德業毋乃役志于功名惑聽于風

苑東縣志

藝文

一〇

水實與聖學相謬刺歟青青子衿行寧正勿畸有金玉之音有蕙蘅之品神靈蘊勿炫有淵嶽之藏有冰雪之性才寧膽勿襲有鸞鳳之彩有鐘鼎之猷幹寧貞勿靡有雲漢之章有風雷之令則德業日新庶與聖天子庶政維新之意遙相輝映而不徒以宮牆改觀為畢乃事也顧龍光于茲猶有感焉自逆璫焰熾生祠遍地刑餘之夫一丁莫識崇德報功幾與至聖為伍羞當時而辱後世而中州士大夫不屑生祠之是建而惟學宮之是營則聖學常新人類不至中絕甚盛事也 龍光 偷生偏橋一載於茲承恩賜環將別茲土自顧謏劣無所短長負聖主解網之恩孤并州父老之望爰于學宮新成之日謹弁數言以志不忘故

舊之思他若風水科名諸說姑存而不論云時崇禎六年癸酉三月三日記

義勇葉孝傳

大理寺陳 珣 苑 東 人

說者謂明之天下壞於流賊而不知潰兵尤甚蓋潰兵不殺賊而皆化為賊且更虐於賊如張先璧其一也先璧滇人也官副將號克誠俗訛呼為黑神弘光元年將兵三千奔屯嫩浦性殘暴日殺良民無算巡撫何騰蛟囑荆西道張曠往徵之曠將至先傳令禁殺先璧即止自揣生平無狀疑誘殺之不肯往曠與設誓乃往騰蛟喜其軍壯留為標軍究之權兵跋扈勇于殺民而怯於禦敵聞風輒潰戊子年八月朔至偏橋食人吸髓其罪

苑東縣志

藝文

一〇一

不可勝誅維時設有強有力明大義者執而殺之除一逃將猶除一流賊耳奈何畏首畏尾群以強藩當之聽其夜郎自大也縣北王家屯人有葉孝者目不識丁手能挽數石弓伺渠遊魂之侶射而斃之亦可謂力大於身者義形于色者矣不幸為賊所執剝其皮張於大頭坡之上孝罵不絕口復奮其血軀延至溝畔飲水以歿吁何烈也向使孝也位顯于朝則須漕體碎頂滑 衛地蕩陰勢窮何遽不如洪演之納肝侍中之濺血豈徒與王著苑全爭名義而已哉

論曰司馬遷曠代史才當日往往留意于遊俠而不為王蠋特立傳僅附其名跡於白單傳末宋儒少之蓋燕破齊齊王走莒

齊之臣腰黃金身紫綬者非逃則降無一人出身抗敵披蠟布衣耳乃不為利誘不為威屈經其頭於木枝以死齊疆卒賴以復焉視夫聶政郭解之流徒能瞋目攘臂白晝殺人身死無關於宗社生靈者其輕重為何如也葉孝殆玉蠟之後身歟而何可以無傳

重開諸葛碑記

按察彭而述河南

偏橋距沅州四百餘里中聯三衛為滇黔楚咽喉沅居黔北偏隸楚西偏橋當黔南孔道屬黔而兼隸楚故明偏沅撫軍之設取名於此以為滇蜀黔粵楚五省總樞故撫軍駐節兩地從中持緩急楚東南都會百貨所聚江漢而外眾水所歸沅水上接

施秉縣志

藝文

十一

黔之鎮遠所謂濛水也發源於黔在黃平州而上僅可濫觴下此即可通舟乃偏橋之南北上抵黃平下抵鎮遠二百四十餘里有所謂諸葛碕與夫老洞鷄子灘等巨石填咽不受舟楫沅州至鎮遠溯流夾舟而上必不能踰諸葛洞洞夾兩山青嶂萬仞石之大者如象小者如牛從上而下跌為深潭曾不容舸前督師泰和郭公子章曾經開鑿有碑記可考事久石還本位水歸舊流阻礙如故於是楚粟入黔者自鎮遠而上二百餘里擔負之功百倍其難國朝順治十五年王師定滇黔貝勒諸軍駐滇黔及鎮兵散布黔南郡縣者以億萬計厥費正等新鎮道徐尼及副戎手君以率關軍與力議修舉請之臺使及藩臬諸長

官初以時絀舉贏不許二君請之固議乃決鳩工襄事越年告厥成功下抵鎮遠上至黃平舟楫大便轉餉不至乏絕予以庚子夏捧滇藩檄道經偏橋聞而壯之與王君並轡往觀嘆曰鄭國開渠萬世利賴西門豹決溢水潤鄴下而國人祀之不衰况乎排次疏導力同開山且事關軍國之大乎夫二百四十里中山路險隘牛車莫施計一夫所負不過四斗一日所行不過五十里二百四十里往返所費一日止以二升計之十日之中已去其半如是而進計之四十石止得二十四百石只得二百而此妨農功賠里遞以及胥吏之侵漁不與焉若夫舟最小者可以受十石或二十石是一舟可以省百人數十人之費矣其勞

施秉縣志

藝文

一百三

逸奚啻倍蓰若夫商賈免捆載之勞魚鹽得順流之勢且都勻平越鄰郡亦得藉以轉輸而給與他縣俾無水旱之虞即環黔南之洞苗犵狁得以本地土產運銷外縣衣食漸足勿生戎心是一舉而四善備焉又不上軍興一事為然也難者曰黃平而上距黔尚三百餘里安得不陸曰是不愈於己乎語曰得尺即尺得寸即寸况二百四十里之間乎滇南千有餘里粟所難及所需者金計東南吳越之間襁屬不絕於道其所需人功不貲亦可以稍代黔之餘力以為滇地黔困稍蘇一力辦滇不尤愈于二者並急乎滇地宜五穀產金錫益州沃野千里漢唐以來皆屬內地黔兩腋皆苗中通一線粟不足軍民之食先代開黔

所以開漠也昔莊蹻畧黔地而王滇正以非黔則入滇無路今
日之役亦猶行古之道也後之君子續而行之征繕稍暇拓而
大之利在百世其興作費用詳載徐君記中茲不悉

建修施秉縣石城碑記

邑令 董良材 雲南進士

黔南皆山也悍苗穴處恃險自固昔為民害其狡黠難制者新
疆尤甚封豕豨豸櫻則觸之自古迄今屢經剿撫終莫之靖故
操勝算者必先阨形勢焉然形勢之要鎮遠而外施秉稱最鎮
遠滇黔之門戶施秉鎮遠之咽喉欲守鎮遠非營施秉不可施
秉偏橋衛也創自明初隸楚郡馬康督楮揮千百戶等築城於
洪武二十五年壬申內土外石覆以瓦屋置樓櫓設撫軍往來

施秉縣志

藝文

三

偏沅居中調度持其緩急規模蓋宏敞矣歷正統迄萬曆間苗
播疊叛隨毀隨葺至順治四年丁亥苗監搗亂偏兵協剿五年
戊子八月朔張先壁奔據偏城皮熊遣將禦之遂焚樓堞蕩然
一空康熙二十二年黔撫楊大中丞題剏歸黔二十六年丁卯
裁衛移縣治之夫偏之為城亦綦重矣南引六詔北控三湘扼
九股聯鎮遠接應黃平餘慶屏蔽思石等府由五里墩蜿蜒而
來盤旋結聚二水潑滂有如明鏡三面距河勢若金湯誠苗疆
要地也乃樓堞無存穴磚盜石棄塞壕塹者凡百餘年迨雍正
十三年乙卯新疆苗叛攻劫內地陷黃平青谿等處蹂躪士民
各鳥獸散前縣令蔡瑾率民固守雖幸獲全然為力已瘁是有

縣無城亦與無縣等事予制軍張經畧議修石城遣會計余庚申歲攝篆是邦乃董其事劈石鳩工謀始於四月辛巳落成于十二月乙丑為城一千一百四十七丈二尺垛一千三百十七東西南北各建門樓一炮臺四小東門水關各一約費帑金三萬七千四百有奇內外馬道窄狹者廣之各一丈五尺北門進水低窪者高之計丈有零整齊雄壯屹然重鎮予以獨當黔南一面仰佐 聖天子億萬年磐石之基書曰慎固封守以康四海其此之謂乎因約其端委俾後之牧斯土而守斯城者庶知興廢之所由來也是為記

重修偏橋碑記

按此橋即北門外跨虹橋非打杆者之偏橋也

巡撫 衛既齊

施東縣志

藝文

一〇五

施秉彈丸邑耳而黔楚往來實為東西咽喉由黔而之滇之蜀之粵西一綫羊腸聯絡省會且四五焉縣北門外舊有橋名偏橋天楚南密邇荒服故設偏沅巡撫罕一州一衛以命幕府重其地也橋而專有衛名其為關津衝要非一日矣顧地當岑巖景洞之間洪江南遠岑巖景洞在勝秉洪江即重安江下流在舊縣東南距偏橋八十里與此無涉牽而合之春夏霖雨暴漲山泉百道爭流奔騰震盪橋極易圯則誤矣行旅次且艱苦萬狀康熙二十七年橋圯即於其年議修官黔中者皆協力鳩助伐石集工糜金一千六百有奇凡閱四寒暑而工成其將成時予適奉撫黔簡命道經其地解橐中糗糧資助之工乃竣其工之鉅而時之久乃如此予觀古昔盛時雨畢

除道水涸成深畚揭之任一司里舉之而有餘孟子之論子產
曰歲十一月徒杠成十二月與深成奏功不過旬日間耳由今
觀之何其難易懸絕歟蓋黔地紆盤萬山中山嵐蒸鬱恒陰易
雨謂之天末又謂之漏天一切橋梁道路與中土之平原曠野
較不啻倍蓰無算其功之難成而易壞也大率風土限之也雖
然人事修則風土為之潛移綢繆未雨先事預防往往用力少
而成功速及其傾圮潰爛然後圖之雖在中土難亦十倍凡事
皆然豈容專其咎于風土也哉方今天子神聖深仁厚澤徼於
梯航萬國之外黔雖遠猶郊圻耳予不敏竊欲奉揚德意俾黔
中百度振興儼於中土值斯橋之成于下車時也記之以為石
度權輿可也若夫經營鳩助則眾人之成績也其詳書之以志
余不欲掠美之意云

施東縣志

藝文

一百六

大相見坡小相見坡

濟南田 雲 彙 齋

嶺名黔人謂嶺曰坡在偏橋之東三重迭起高皆千仞計途周
三十里陟者坡則尾坡見至尾坡迴曠之則者坡見立中坡前
後望首尾畢見起伏偃仰石垂烟接方沈澗心突凌峯頂行者
此以手招彼以口呼送響達于咫尺而不知三十里之遠也若
以謝客卒徒千夫魚貫之如率然之陣矣以小季將軍圖之又
如神山重樓矣者坡遐眺林木蕭森秋光掩映離離蔚蔚乃在
霞氣之表中坡則素氣雲霄霧露沾人瀑布垂巖懸河注壑沿

尾坡而下之白雨溪橫黃雲稻熟與人率彼婦子挽裳以穫小
犢在旁徑徑遠側容過輒起立去則侏離盱眙相對語擔夫勞
瘁止息于樹下其聲嗚嗚山歌可聽也

上山牢角西復東下山花開一箭紅半滑半乾石當路乍晴乍
雨笠搖風

千構纏腰布裹頭猿啼鷓鴣叫四山秋下來千尺商訛故牛衛固

麥啖呵交酒飲好自由

奈此翻漿白汗何趕場大弄日不停梭多難也後嶺望前嶺雅

務不好難行小坡愁大坡

唇下蘆鳴月下跳搖鈴一隊女妖境河蒙母阿字又門前立果

施東縣志

藝文

十一

行役人來路不遠

曲意亦難盡解大抵與朝發黃牛暮發黃牛三朝三暮黃

牛如故已東三峽巫峽長猿嘯三聲淚沾裳詞首相類耳

丁煒曰嶺曰坡易之之詞也然以遷客勞人涉此則誠不

易矣黔之坡不可悉數惟大小相見以駭駭聯接得名地

為苗蠻出入之所過客恒憂伏莽先生撫黔臧德適加魁

結珥耳畏途今坦途矣煒以己已夏過此擬有申詠以次

紀行而鬱紆延眺竟不能成一語今讀茲篇起伏崑崙之

致恍在目前文之曲折如意極類坡公未附蠻歌亦不廢

滄浪之意乎

大理寺少卿陳特庵墓表

雲貴總督高其倬奉天

皇清誥授中憲大夫大理寺少卿陳公諱珣

字自東

特庵于

康熙六十年辛丑又六月十九日戌時卒於京邸寓中年五十有五歛之越年冬君柩歸里壬寅春予拜命總制滇黔夏初道經施邑登堂展奠敦蘭譜之誼迴思契合言歡不勝感慨敬啟第見君子四雖年方弱冠皆挺然予立則又為君喜越明年癸卯孟夏月二十四之吉卜葬君子邑東鍋巴庄祖塋之前其子遺价持君行狀至滇乞表于予予雖不工諛墓因出同門誼不能辭按君生康熙丁未萃黔中之秀聰穎過人髫年遊泮旋食餼膠庠錚錚有聲不類凡響于癸酉以壁經魁多士甲戌聯飛

施東縣志

藝文

一八

與予同受知無山彭夫子門下謁見時謂君學術深醇望而知為端人厥後出仕必著循聲君出任山左冠邑不久以艱去編氓皇皇如赤子失乳服闋補粵西維谷又以廉幹調天河嶺表地遠土俗異宜君畏之以法感之以誠示之以信義莫不喁喁向風蓋君持己清廉待物平恕所以為治者本於經術而非俗吏之所能為是以所至悉能以道得民治行上聞內擢禮部祠祭主政視事方五月猥荷寵眷拜臺中之命君正色立朝不矯激以沽名不倚阿以徇物遇所當言而人不敢言者不為顧忌而直陳彈劾風節凜然迨晉太常陞大理咸有所表見不肯苟于其職天子益知君名倚畀爰隆方欲擢執政樞要上贊

論靡而持國是下表人倫而勵澆俗胡不少待而遽奪之去徒致嘆于天之不慈遺耶雖然君之德行發聞閭里文章衣被來學正直受聖主特達之知經濟錫蒼生無涯之福綜其生平固無愧于古名臣而垂不朽以視乎身膺卿相手握重權位尊祿重而泯沒無傳者相去何如也君元配恭人胡氏子四女二皆幼予媿言質無文僅以所見聞者書於墓表俾後人得以典型云

鐵溪雙列女傳

施秉詹 林整平 教諭 核貢

偏橋北去百餘里許歷層崖深澗迤邐而西別開一境山環水抱居止數家沿溪多怪石橫亘森列奇峭而堅蒼昔人嘗于此鑄鐵因錫名鐵溪癸巳春予與同事鮑君偶覽勝至其地遇白

施東縣志

藝文

一〇九

泥王君甚相款洽縱論古今事不倦忽欵欵言曰吳逆之變有賊將巴鄭高敦姓統潰軍萬餘駐此剽掠無忌同日被難而死者七八姓名不可考獨李氏二女姊名鑑妹名璧一年十九一十八歲見賊兵掩至相與謀曰人生豈有百年不死者耶與其汚而生寧潔而死之為愈也相攜投溪水以死明日父得屍殮殯賊聞而義之勢稍稍戢女父朝棟乃衛屏女能全節如是非巾幗中丈夫克紹乃父舊香者乎後里人以女全節事畧呈某舉使不報至今節烈無傳詎不深可惜哉余曰此當日守土者之過也余備員數職有司風化之責向者人莫余告今聆子言則二女奇烈不患湮沒不彰矣明日具其事詳之大府大府旌

之噫蓋鐵溪之靈有以孕毓者歟謹再綴二歌以備修志者采焉歌曰

劫火橫飛烈焰初遺黎無地可求蘇雙雙攜手投溪死寧赴清流不忍汚

萬古綱常幾丈夫百年天地一蘆盧完名全節歸雙女愧殺鬚眉總不如

施秉縣知縣蔡君傳

袁枚

蔡君諱瑾字經山金陵上元人少為弟子員伉健尚氣有營弁某凌人於塗君怒擒而搏之某訴有司有司笑曰而武人耶辱於儒士尚何訴也以雍正元年舉人補貴州施秉縣知縣施秉

施秉縣志

藝文

二〇

者原偏橋衛也去舊施秉九十餘里當黔省衝為滇南之嚆噤苗民雜居何設遊擊官率兵鎮守雍正六年奉旨清理苗疆當事者誤偏橋為舊施秉地方謂離台拱大營僅里許足資彈壓奏裁此缺十一年君抵任力請於大府仍復舊制大府韙之然猶豫未決十三年苗叛破黃平凱里巖門諸城進攻施邑邑距黃平七十里無一兵寸甲民聞警逃君止之不可乃手握刀擊練鄉勇家丁百餘人登城捍禦他邑有來奔者縱之入給糧安置揀其壯者從軍夜燃棒香萬枝遍插城頭苗疑礮火如星不敢逼苗攻南門陰使其黨自水門入君偵知之密造釘板埋四路苗黑夜跣足來為釘所刺仆苗憤用火箭射北門門內草

房焚君預備水龍數條激濁如雨高數丈火不得熾一女苗有妖術張五色繖畫符左右兩端公誦咒舞標槍衝陣公噴烏雞血厭之而預設伏兵待之火破之君大小三十七戰自夏徂秋不解甲臥者九十四夜羣苗奔氣各散走一城獲全貴州總督張廣泗上其功 天子擢授大定府通判未赴任又奉檄勘各處兵災兼清理新城苗寨在道勞頓受瘴病昇回施邑卒卒之日其所俸罄于賞兵家無一錢邑人罷市致奠助其柩歸建廟勒石朝庭蔭其子震為監生所騎豆青馬龍種也每戰咆哮先登君卒馬不復食後十日亦死

贊曰古文武無分途蔡君故文吏也能建武功真古豪哉相傳

施東縣志

藝文

二

君抵任時施東人多晚君而笑謂其貌類邑中城隍神厥後臨危制變保障一方至今人呼施東城為蔡城然後知士君子寄百里之命血食不絕亦若有數存焉而非偶然者

雲台山記

張拱樞

雲臺山在施東縣之西北去城二十里許從望元關入山若深澗幽壑古木崇嶺山形四面削成獨迥出于雲霄之半俯瞰萬山羅列如兒孫左峙塔山右對彌勒山腰有石洞擊之如鐘鼓聲洞旁有龍泉紆徑而右會白塔河繞其山麓絕壁有白雲洞如哆吻張罽盤旋而入朝夕聞雲往來山巔如臺隍然因得名焉人跡從不到相傳其中猛虎毒蛇與通臂猿山道士及奇形

猥豕之獸甚夥隆慶丁卯之歲白雲徐道人與周惠登氏學養生固元牝結廬于望玄關者十載一日謂惠登曰赤城天姥古入曾經開闢矧此山相去幾許而顧使之沉淪于蠻烟瘴雨間乎吾願捨身以入如聽木魚有聲則登此山不則為虎狼吻矣言訖攜木魚以往散石灰以誌其跡越三日山頂魚聲響應於谷惠登曰吾友違山矣即持鉢沿灰跡以行攀援而上遂登巔道人睽雙目誦黃經端坐古柏樹下惠登手拍其肩曰我來矣相顧大笑而此山遂樂有千秋知己矣越數十年道人跣坐而逝有石巖然壁立即其蟬蛻處後人顧之為遺真亭也明末戎馬生郊苗叛寇訖遠近人多避秦于山山靈詒謂戊戌之秋予

施東縣志

藝文

三

與宋子次梅重理舊業讀書其上者若而年鷄鳴風雨露飲霞餐罔有或間時乎洗眼看山則與領其佳趣時乎掉頭看雲亦不堪持贈人用是山之得名有以副其實也因媿筆而為之記云

遊金鐘山記

吾鄉金鐘山者梵淨山之支脈也數百里蜿蜒中秉巖峯排起其數十餘空洞其中通體不毛而中峯獨高左右六七峯挨次依小酷肖金鐘平地轟起羣峭摩天兩翼旁峙渺無人跡中峯一徑旋繞僅可攀援而造其巔其上有土可以藝蔬有泉可以煮茗花草竹木無一不備又平濶畝餘高下其勢滌草結構即

越成天然當夫風掃殘雲極目四顧雲台香爐諸峯畢見潯水
台山如在目前俯視村落或魚鱗櫛比或星點迷離或有綠成
圓或有煙成縷紅紫萬狀雲霞相綺不復辨其為人間天上矣
四圍群嶽有立者伏者吃者拔者崩者壓者橫者踞者人者獸
者竄者戰者飛者舞者懸者墜者眠者萬象環列目不暇給是
山也洵吾鄉之壯觀即移之通都大邑未有不動人景仰流連
歎其為絕無而僅有者也前人曾構屋數椽供諸佛像於其上
而遠近墨客騷人不著一字以紀勝概何耶豈窮鄉僻壤高人
逸士足跡罕到歟去郵亭僅里許驅馳皇路者莫不自覩抑捫
險探幽濟勝鮮具歟而竹杖芒鞋茶話其間者又卓有其人噫

施東縣志

藝文

二五

我知之矣蓋山雖高無仙不名也然而峭壁撐天奇峯拔地班
聯玉笋無殊鬼斧神工翠聳螺鬟掃淨蠻烟瘴雨其薄日月而
衝霄漢者氣體迥不侔也物以罕見奇知以稀為貴顯晦有時
安見是山終湮沒人寰而無名公鉅卿為之表彰哉

四官庄平寨重修關聖廟碑記

一鄉一聚之中必有祠神之廟嚴其像設崇其羽葆鼓吹備其
俎豆尊壘鐘簋幃帳之具然後其神尊而人民之觀聽斯肅於
是春秋之報賽者集於斯有祠禱者集於斯里中事之宜公議
而眾治者亦莫不集於斯一廟之興而有繫於鄉里如此是亦
王政所不廢也溯平寨之有廟始于嘉慶之初以奉祀 關帝

暨五顯諸神者幾六十年及咸豐乙卯苗叛一村淪陷此廟亦燬自是廢為荒墟二十餘稔于茲矣光緒九年地方大軍流亡漸復里人集議重修遂以近歲廟田積租及本寨各舊姓所捐施者合貲募建興工於癸未冬月之吉越明年九月殿宇落成其中龕右龕神位安設如舊而左為客寮殿東添造兩屋三楹為住持者寢息庖湑之處屋少北為倉二所一貯本廟田租及場市所收斗息米石一貯本寨義谷凡關一村公事胥於廟兩統之禮也此一役也工堅而費省未及期年頓復舊觀且如美焉是皆吾里人樂善從公踴躍趨事雖自後續有增修方輿未艾然要以斯殿之成為本胡可畧也因記其重修之節概如此

施東縣志

藝文

二四

其本廟田業及里中同修姓名別列於碑

朝議大夫四品銜前安徽泗州直隸州知州賀緒蕃記

光緒十四年歲在戊子夏五月州庠生傅毓珪書丹

重修北門外萬安橋敘 即今雙鳳橋

鳳山高聳鯉塘曲橫瞰濟水之東流踞偏橋以西峙我施乘非
滇黔門戶鎮郡噤喉乎城北大河環繞舊有大木橋創自前明
名曰萬安期普濟也洎我 朝康熙紀元易為石墩厥後圯而
復修者五道光五年潞水為災橋墩小有崩潰經郡守凌公謙
齋復修舊制十八年戊戌大水襄陵邑城既陷橋與俱崩自時
厥後無力修復者六十餘稔邑人雖於柳塘設有義渡然山溪

暴漲水勢湍急篙師忌焉故行旅每望洋而興歎驛馬因阻水以稽遲障礙交通莫斯為甚年來各大憲暨歷任宰官非不提議復修然時議時廢不果舉行我邑侯李公桐軒握篆是邦下車伊始閱斯民之病涉也毅然以復修自任經費則捐廉以為邑人倡共募集得若干金不足復籌之往來行旅又得若干金爰于光緒壬寅興工越四年乙巳告成計石墩十餘因迭次崩潰皆原于橋腳沙石不穩固也特于墩腳墊以木枋橋面布以厚板橋身覆以長廊若干間今而後既免風雨漂沒之虞永感交通往來之便斯橋不朽我邑侯桐軒李公並樂捐善士之德同為不朽矣邑人王丙坤謹序

施秉縣志

藝文

二五

施秉縣立女子高等小學校落成記

有守土責者遺辦學而授云經濟困難此絕人進取之權辭也非是必媮媮惡勞者之故智也非是必自養過尊或視同傳舍忽置地方之人材謂非我子我女之闕切也施邑初等女校成立有年先後畢業已二期矣修昨冬奉檄權宰是邦甫下車邦人士相見為言如是並云新學嚮上者頗不乏人惜無高等校致女士升學末繇隱然以倡辦請修因念濟濟女士雅不欲得自封疆過之使一得自封不獲精進其舊德完滿其新知也不大可惜哉誰尸其咎弗問可知竊以銳然倡辦自責雖然倡辦云乎哉校址于何所開辦費于何出難人亦猶人也僉云舊縣

尉署地者適中駕言周視度其何者宜改築何者可補葺何者務拓基而冒宇畧具於心經濟一端爰就獄訟者之細故而軒輊之罰以緩得百餘金不給稍稍捐以廉庀材鳩工屬巖若存坤周君培章董其役果二君者熱心梓里歷四十昕夕而歲事起而顧之曩之湫隘者今儼為爽塏曩之廳事頽敗者今都為精舍光明告慰諸女士特聘李女士靜秋膺主席承惠然來固不患誨爾無人今更不患升學無地矣然此指為諸女士自足之階又何敢也猶是而上道德愈趨於精進知識愈啟於完滿弛之無可弛也張之有可張也言念前途尚有師範革叛伊疇以俟來哲

民國五年四月知施秉縣事馬政修撰

施秉縣志

藝文

二六

驅疫鬼文

庚申夏時疫流行傳染各地死人無算有力者並集有術者濟方需無力無術勉法古人作文以驅之

維時驕陽作惡造物不仁既暑熱之難當吁吁蹙額益妖魔以作祟咄咄逼人問生辰兮安在歎劫運之迭乘莫非射影含沙為域為鬼竟使神疫氣憊無影無形噫嘻此疫鬼也胡為乎來哉斯人任彼揶揄比戶無端咒咀毒於永州之蛇猛似泰山之虎其害人也酷同□掠患者譬已膚無癘盡指膏醫生瘡難月(複製者按 此文因原抄本不完整疑有脫落錯訛之處)

詩

偏橋至鎮遠

張一鵠

有水可乘筏其如難渡何不辭車馬憊還怯虎狼過楚水偏橋

盡黔山平越多城陰最慘淡一路少田禾

過鎮遠之二

何景明

古郡青山下經過駐使車土官迎詔拜蠻客望城遮疊嶂營孤
壘清江繞百家晚來官署裏獨坐詠皇華

寥落古城池斜光照戍旗關臨苗子砦洞入長官司殊俗終難
近蠻音久易知跼蹐蒼靄上又是仲秋時

偏橋行

何景明

城頭日出一丈五偏橋長官來擊鼓山南野苗聚如雨飢向民
家食生牯三尺竹箭七尺弩朝出射人夜射虎巖中無房亦無
堵男解蠻歌女解舞千人萬人為一戶殺血祈神暗乞壘沙蒸水

苑東縣志

藝文

二七

毒草根苦上山下山那敢啟蠢爾苗民爾毋侮虞廷兩階列干羽

偏橋元日

許邦才

客中逢改歲不辨是何鄉時見懸門帖春風動夜郎

相見坡

施武長洲

上坡面在山下坡山在面相見令人愁何如不相見

雲臺山

鄧子龍

萬山高處雲結臺崔巍鼎立真奇哉乘風步虛一搔首白雲散
盡青天開穿崖出洞二十里寶塔三五澗中起巨木枯藤石上
生夜來挂月朝飛雨石鐘石鼓數聲靜野鷗時嘯烟霞裏天門
玉籟天孫語織女銀河罷機杼下界山神知我來功成羽化遂

送譚秀明歸茶陵

明歲朱弼元

君先憶我行我今送君別同是萍水踪休聽陽關疊離懷每惆
悵訣詞恒哽咽悠悠遠人心澄澄楚江澈雲山擁去施烟樹催
歸節落月動人思入夢憑誰說念豈二三移憂來千萬結秋岸
蓼花紅分襟淚洒血

華嚴洞大士像前一石如素為置盞其上感賦

明楊一鶴巴陵人

未至華嚴洞望中結玄賞茲山芥子大茲洞何深朗山溜巧為
鑿宛肖空中像慈悲感眾生化工不疎莽獅象吼雲煙鐘鼓奏

施東縣志

藝文

二一八

聲響我思悲王願法力被天壤五行六道中靈氣常來往况復
清淨界太古絕塵埃廿載剴然開光明破幽故涓滴螫龍蛇荒
裔走魍魎色身非有佳慧性非有想鑄此石鑿銘華夷動瞻仰

節孝歌

為御史楊通宇祖母張恭人作

張守讓

潯溪有狂士壯志何英英一朝尋坵壑削跡以逃名行藏為幻
夢形骸悲極拮笑彼世間人塵累苦城促一自深山居披雲卧
松雪屐脫軒冕榮逸焉與世絕所志亦松遊泉石以躋攀何意
蒼梧雲翩翩不復還昔日於陵陳仲子離母甘食井上李楊生
亦欲苦其操忍別慈幃去鄉里庭前菽水誰相將呱呱繞膝劇
堪傷寂寞孤燈誰與語淒涼茹蘗嚼糟糠四顧室廬一炬烈悲

聲起處機聲咽紡織辛勤奉阿姑和丸伴讀書聲徹吁嗟兒大
不識父顛天圖像淚潺潺白雲縹緲人何在追尋誰憚關山間
出門只見乾坤濶踪跡茫茫勞跋涉邂逅相逢衣履穿一語一
淚心如割二十年來鮑林壑避地潛踪空面壁囑兒歸侍倚閨
人絕裾臨歧堪歎惜幽谷春回鶯轉巧一聲道將歸去好大悟
翻然入里門皓首龐眉相偕老骨肉團圓何歡喜匆匆上天騎
箕矣丹成老作修文客漫說水仙長不死悠悠歲月有窮盡哀
哀怨慕何時已隱者留其名勁節冰霜矢孝盡節以堅卓哉楊
伯起伯起樹清標式穀貽嘉軌令子業雲霄曷從今始節孝
名不滅德門澤未已采風讀遺編一唱復三嘆餘風頹俗藉以
挽懿行千秋烈日看

施東縣志

藝文

二七

張節婦詩

明何承光舉人

長吉當年賦玉樓未二人是杆嬰儔但期易筭言無負詎料丸
熊志竟酬枯樹猿啼山寂寂長堤草碧水悠悠千秋惟有豐碑
在莫更流連古柏舟

築邑城

邱元武

按巒城頭路參差石磴斜平雲連野水霜木俯官衙風落天邊
雁秋悲日暮笳逢人多并服珍重問桑麻

忠武侯祠

周瑛

萬樹鴉聲送夕曛孤祠獨對大江濱霸圖先識炎綱正國勢終

成鼎足分伊傅胸襟明日月軒黃行陣布風雲相才將畧疇能
此一瓣心香特地焚

偏橋新河成放舟東下

巡撫郭子章

橋畔擘舟一葉輕揚帆穿樹入蓬瀛懸崖直下瞿塘路瀑布遙
飛雁宕聲白鳥青猿爭出沒山花岸柳遞逢迎自從諸葛征南
後千載誰人向此行

秋閨

明熊

祥施東
漢士

雲霞黯淡樹蒼涼沙渺沅湘不可望曉起捲簾江上看鴛鴦還
是一雙雙

此詩合而不露風格高雅最近
唐音不得以題與志非棄之

遊華嚴洞

明提
甘雨

苑東縣志

藝文

一六

寶利臨官道仙凡迥自分鶴翻松塢露龍卧石床雲樹影空濛
畫崖姿最屢文從渠山路滑未惜馬蹄勤

前題

明參
史旌賢

古洞誰初闢脩然無仕心偶緣丹灶入因識白雲深風鐸傳空
谷松鏡落梵音賢愚如許輩吾意正蕭森

前題

明按
朱化孚

寺前車馬日紛紜山野間僧總不聞洞裏奇文涵幻相岩間真
氣自氤氳憑空石湧千江浪何處晴飛五岳雲可是如來舌本
動好將花雨綉山紋

立秋日遊華嚴洞用少陵白水崔少府高齋韻

我行窮南紀落落難自適西風今日至已過朱炎赫道旁鬱奇
勝古洞盤幽闕下臨萬仞谷高勢千尋壁入門石乳垂嵌空逾
數尺始信荒徼外天留破拘寂興來列炬探溼雲生滴瀝躡屐
難自料猿挂愁危石崖峭誰削成疑是巨靈擘安得九日曜不
煩后羿射龍迹類刻劃深竊信屈宅端妙禮大士森穆列仙伯
古來賢達人未經此路僻傳聞止蠻夷奇跡艱良覲不獲列圍
經寂寞空山碧巉岼參鬼際千古山川折誓將投陰崖因之窮
地脉恐探秘笈書致使山靈戚彷彿桃源棹終與秦人隔茲邦
歷喪亂流血日夜赤迄今深草叫疑埋舊鋒鏑奧區悲獨存終
古蒼烟積庶或揚勝概遠與靈威敵元氣劇不盡遐荒安衽席
孤零理回駕永謝節竹策卧遊追閱歷油然懷抱釋此志難遠
遂翻為行役迫寄語後來人亦猶今視昔

和前韻

李良年

黔山不知名曲折隨所適歷險已云無到此秋陽赫路轉境忽
幽兩脈落蕭闕孔道啟珠宮中有青鐵壁松杉挺雲外難可計
尋尺禽語共鐘聲峯峯異喧寂俄然陰崖邊花雨洒浙瀝未知
何能工下鑿千仞石巨靈古不到元氣黯相掣冥搜以求之轉
愁魁火射往者蛟龍騰其種尚窟宅吾欲訴真宰彼此付河伯
竊莫失白晝命屐窵深僻瞻仰大士像色相了可覲獅坐繞莊

施東縣志

藝文

二二

巖瓔珞垂一碧始知混沌初象教已先圻坤維本束陷百險走
西脉負國諸溪苗曾勞舞干戒勝地空長湮中土今不隔回攀
磴草綠則染蒼溜赤容與及良辰兼喜后鋒鏑池符魚咬滅壇
花鹿啣積幽討非一玩森爽兩崖敵蒼狗變斯須卻顧濕几席
惟餘清妙香冉冉送笻策憑虛一御風如坐彌天釋此中應可
求奈何塵網迫即事感蒼茫喟然念今昔

華嚴洞

吏部侍郎趙士麟雲南

凌晨燃炬入僮僕笑斯遊洞挾孤雲宿泉隨隙石流人煙生白
板山寺隱紅樓徙倚將亭午鐘聲林外幽

前題

巡撫佟鳳彩

施東縣志

藝文

一三二

曉日雲崖翠孤臺月照幽鐘聲遠萬籟鳥語散餘愁嫩竹隨風
起爐煙帶水流歸鞭從此北驚嶺思悠悠

前題

七律二首

佟鳳彩

古洞陰寒法界清天花墜處似雲生傳燈進步窺空色桐壁攜
笻看注砮屹岢山巖高萬丈淪漪溪水瑩千泓始知黔道同蜀
道劍閣牂柯果並名

其二

佟鳳彩

崖石螺峰擁翠台啼猿攀木亂聲催常看馬自雲中出似有人
從天上來老樹虬枝三寶護古檀洞宇五丁開停車歸路題名
氏萬里能經幾往回

前題

副戎葉日芳

振衣揮汗涉重嶺靜裏幽栖笑客忙鶴夢未回禪院寂松風欲
透雨花香乾坤不解藏靈異蘿華偏能藉倚傍一壺一坵誰領
畧煙霞五岳共蒼蒼

華嚴洞行

邑令楊懋德

六春作宰食無鹽兔國山多看厭欲覓其間奇特處飛雲之
外有華嚴深深古洞靈而幻寂寂山門別有天洞前名利日相
逐忙裏偷閑那箇賢我今驅車又北上萬斛京塵自古稱何時
得遂田園樂笑殺當年嚴子陵

前題

教授許之擲

苑東縣志

藝文

五上

蘭若雲深處層巒秀氣鍾懸崖凝竅篆滴乳肖金容鐸響傳幽
谷鏡聲和古松祇園多勝迹故覽冷心棕

前題

邑令姚燮

青巒萬疊挂雲程長夏驅車傍午行屐為探奇曾早蠟山因好
客故留名幽崖曲折天生就寶相慈悲乳結成秉炬移時寒沁
骨不須修煉已身輕

前題

江盈科

一壺藏幽境羣山繞梵宮烏窺僧灶飯猿挂洞門松石溜晴疑
雨爐煙午漾風塵踪憐碌碌小憇且從容

前題

教諭詹彬

兔奔何年鑿宏開法界寬萬雲依寶座諸品綴岩端未雨空青
漚無風六月寒幽深人迹罕然火一探看

前題

冷水道人

即巖

虛竇通山谷玲瓏擬洞天鑿空藏巨壑依樹聽流泉風拂雲常
冷燈明路自懸征鞍何日息高枕度華年

偏橋郊望

邑令 李育熊

西郊閒散步一望盡煙波惟見採樵者相將陌上過圍場空自
築禾黍已無多撫字應須急徘徊意若何

輓江節婦柯氏

宋安全 舉人

眉黛運成假浮漚笑此生石侵詩裏血兔絕夢中情父母皆貽

苑東縣志

藝文

二百

罹初終正以名烈哉柯氏女不墜大家聲

偏橋早發

學院 孫勳

偏橋西上更千尋曉霧霏霏踏客襟生愧華嚴僧穩卧洞門不

啟白雲深

柳塘夜渡

陳珣 進士

控楚通黔一路遙月明兩岸憶長宵臨河莫怨公無渡楫點迷
津有石橋

平寧古寺

千年蘭若久荒蕪一旦從新見古初釋子漫勞誇佛力聖明天
子肇皇圖

百丈飛泉

一線疑從天上來，白龍千尺挂蒼苔。四時日日甘霖徧，不用山風送晚雷。

玄都曉鐘 有款

教諭詹霖

予散步郊原，遠眺林巒，俯挹江瀨，坐思虹橋風景，因于舊誌外，新增四景，曰玄都曉鐘、桂苑秋香、雙江漁火、虹橋夜月。各賦七絕一章，藉誌邑中勝概。大雅君子，正之。

大夢難消劫，襄塵覺來幻境。幾番新玄都，門外奔馳客。半是晨鐘未醒人。

桂苑秋香 在學宮外

晴空玉宇殿生涼，雙樹移來月窟香。借指科名容易事，千秋道

苑東縣志

藝文

三五

味在宮牆

雙江漁火

不弋冥鴻卻羨漁，乾坤篝火一坵墟。江邊疑有嚴陵蹟，點綴波光勝石渠。

虹橋夜月

絕勝方壺十二洲，虹橋橫鎖大江流。水光澄澈魚龍靜，淡寫山

河月一鉤

大雪寓感寄玉峯趙吏部索衣

宋騰熊 舉人

謾謾松風下釣灘，聲聲碎玉打漁竿。過橋驢子詩囊破，入帳羔兒酒盞乾。高館讀書懷趙普，草堂僵卧棄袁安。殷勤催得陽春

到應念蓑衣老歲寒

過鎮雄關題壁

關在施東鎮
遠文界處

失名

一經峻巖入壁空
關門控據上游雄
狼煙淨掃偏橋路
雁使遙傳濟驛筒
廢壘蠻花開雨後
荒碛犵鳥語風中
凡泥已足封疆
守鎖鑰何勞借寇公

諸葛洞懷古二首

郭青螺先生征楊應龍
關此以通楚甸

陳思魯

怪石蠻雲隔岸多
沅湘西上古祥柯
禹功導水留茲險
將畧征南俟再過
轉鉤載來三楚雪
奔流去作九江波
還聞深入紆籌策
更欲平成替汜河

其二

施東縣志

藝文

二六

討賊征蠻事已非
安瀾鑿險尚天威
五溪衣服來巾扇
四壁江山入指揮
老栢不忘西向綠
去帆猶望北方飛
無限濤聲帶金甲
夜深遷似淚瀟歸

諸葛洞懷古

劉學朱芳

偏橋城東十餘里
灘聲澎湃驚雷起
書進父老而詢之
洞名誌葛不知始
當日武侯事南征
大軍未向五溪行
公之天威不復反
公之大名相與爭
山蒼蒼兮水泱泱
怪石嵯峨皆悚惶
藉公之靈濟艱險
千秋丞相有祠堂
下游青浪灘前路
鴉陣神兵不知數
安瀾有慶迓神庥
當與伏波同景慕

丁巳春日諸葛洞小集和壁間韻

邑增楊名勝

六出七擒紀戰功長留祠宇舞溪中甕蓬上到疑無路舟楫南
來不阻風詞經此橋郭子章開後數百年來舟行無阻邑人稱便苔草沒碑書篆綠桃花
夾岸水流紅巖光去後桐江冷何處煙波訪釣翁

其二

春山處處足清遊風景依稀憶舊秋波浪拍天漁子下干戈滿

地旅人愁距洞二十餘里名新路河匪常劫船皮林討後仍多事諸葛名來應有

由七縱雄聲能繼起不教金鼓逼神州洞有碑記郭子章討皮林事

過偏橋驛題壁

失名

排雲城堞雉橫空葭屋蕭疎一望中漢郡唐州粗可考苗風漢
俗不相同東連楚澤江流遠西接滇池地勢雄田賦無多農力

苑東縣志

藝文

一七

苦十年五熟歲猶豐

戊戌九月勞海苗亂書事

賀緒蕃

窮箒孤火化為烽甲不曾周劫再逢黔東人語苗匪禍本都從六十年一叛

一闕市作亂由爭場起官中厚養兩年癰秋風江上傳新警叢菊尊前

黯舊容誰信銅章百里宰州金一軻早潛踪謂李州牧聞警即重金僱舟隻身避匿

其二

避難爭趨水次舟流離真使魯無鳩驚人苦縱殷天火失所深

含比戶愁下邑羽書方雜選將軍旌旆且勾留誰知才聚寥寥

賊笑殺當年拍手不

其三

颯颯驚風送鼓鞞妖氛近在此峯西旅愁巢下無完卵豈意山中尚舊樓小醜幸能戮蛟蟻濫觴終恐掣鯨鯢何緣避地仙源去花竹桑麻聽午雞

其四

禍機深伏信無端林木池魚一例看海外癡情猶太教蠻中碧血遠人棺謂重安江國亂戕英國教士明某明猶太人兼容未必危鄉國一遲何曾與治安四大強洲正環視杞憂胡以笑艱難

收租了自前江放舟還郡宅

賀緒蕃

水落沅頭放曉舟新晴江上豁吟眸山川總覺故鄉好風鶴已無當日愁紅樹蕭蕭霜後葉落蘋渺渺渚邊秋歸涂得此誠清

施東縣志

藝文

一六

絕為屬篙師曷少留

秋日歸平寨故居

邑南區平寨場

賀緒蕃

亂山合沓圍平塢風景不殊村落非自笑曼珠仙蜕復歸來華表魂令感

黃雲匝野苦西成愛聽平時打稻聲太息十年槐國夢苦將薄

領誤躬耕

新宮災變猶書災禍反幽藏骨不回宰樹空存寒月照一生長

抱士清哀

用南史江泌事

某拉某水依稀識曾是童時釣弋來今日偶還尋舊處寄言樵

豎莫驚猜

飛水巖觀瀑布並敘

前安徽泗州賀緒蕃
直隸州敘

距余居十里曰李家橋其面有瀑布飛空數百丈而下如銀濤雪練為景絕奇土人名之曰飛水巖以僻在夷微遊者到知而輟路幽險難相距至近如余亦未嘗往道光緒乙未六月炎暑薰溽亟思遠避乃攜子姪童僕輩持竿而柱日中抵巖下且釣且觀目眩心搖久則微寒侵人衣襟皆潤凜乎其不可留也歸涂賦此以紀遊

龍湫有瀑布勝甲東南國匡廬開先寺此景亦殊特昔遊遺雁岩至今若負慝廬山屐所經奇勝饜胸凡蠻荒秘名境乃在吾居側竭來避炎威釣循溪西北耳駭奔雷聲目搖匹練色騰空忽飄蕩霏霧滿劣崩飛流下千丈直濤空潭黑漬薄溼襟裾可望不可即人間大熱惱到此總蘇息何期鄉里勝邊養求方得惜哉無好事文字揚幽仄倘與名區角定可齊鱗勒古來賢在

藝文

二二

施東縣志

野遇合每差忒山水特區區顯晦何能測

咸豐丙辰七月二十九日施東城陷悼殉難諸鄉人

蔣光濤 歲貢

肅殺動金天刀兵滿萬千三更聞鼓角苗干三更後由城西王家坡入合邑起

烽煙樂變無長策總兵楊某先敗陣丁逃亡有壯年人家雞犬

盡碧血水濺濺

其二

七月為夷則刑官殺戮時紅羊當此劫黃口似先知早傳一版

言盡節劉公苦縣令劉玉林豫人殉難北門城旁巡防汎守虧王千總廣人城破先逃年

年逢晦日追悼有餘悲

其三

草澤竟稱兵，牴官復破城。劫遭夷亂夏，人幸死逃生。玉石焚灰

燼，鄉民血戰爭。縣令劉公鍊集鄉勇禦苗，頗力。神威叨保障，元年筆寫分明。

苗米襲城，見有紅臉大漢，苗驚潰去，復邑人扶此云。係關聖顯佑，並云三年後劫救，至欲助其能云云。

其四

景物太淒涼，平沙古戰場。鴻嗷哀失所，蟻聚喜旋鄉。迴甲千戈

起，苗人六十呼庚米粟荒。肇亂由干米貴廿年離亂久，身世感滄桑。

其五

勘亂中興主，邊民引領望。軍麾臨席帥，逆燄掃黔疆。再覩冠裳

會，重開黍稷場。肅清無以報，同治頌君王。清穆宗同治年未遣總統席保田，號硯香。

施東縣志

藝文

一三〇

平貴州苗
越年肅清

殉難行 並敘

張芬林 歲貢

咸豐乙卯苗變九月十五日攻陷新城，族人張敬勝妻李氏子四人，子婦及諸孫息老幼一十八口，被苗追至

距城五里之寨，距河全家赴水死。

男女具剛腸，死生何足懼。蹈海與沉江，至今人仰慕。吾宗有波

臣，苦節從頭訴。咸豐歲九月，劫運忽遭遇。逆苗破新城，逃生苦

無路，殉難寨。胆河老穉並婦孺，一家十八口。全付魚腹，厝浪濶

江水深蛟龍，應守護。烽火慘連天，濤聲滿江樹。邇來花甲週，滄

桑感前度劫。後剩餘灰，江水流如故。可憐年年寒食節，麥飯家

家灑。墳墓我來江上為招魂，細雨寒烟迷古渡。

夾泉巖歌 並叙

賀良楨 撰

施秉新城東偏有夾泉巖者張廣文並射別墅也屬古壘翠曲周旋青蓮水得空良田彌望植十二二秋樹此曾賦兩小詞以誌其勝別來十餘載巖重修善其林壑之美不減當時爰作長歌以紀之

唐之李愿居盤谷三魏翠薇傳寧都古今賢者謀避世擇地偉
識超凡選張君逸士性恬淡早歲食餼茶天厨手營菟裘擅佳
勝夾泉巖地誇名區羣山合抱溪中注梯田十頃足膏腴溝塍
錯繡龍鱗接歲收詎止給官租天然景物更奇絕平挹江瀨涵
清虛巖花谷草紛映帶松蒼竹翠更扶疎我昔步屨屢經此吟
眺欲去仍踟躕一從筮仕溯湘水心繫萊彩為親娛堆溪奉檄
經三載猛洞干役徒馳驅風塵瀕洞滄桑變鶴歸華表勞艱虞

施秉縣志

藝文

一三一

傷心豈獨江山異區區三徑亦荒蕪羨君幾生福修到夾泉林
壑無或珠題詠衰然已成帙篇章字句皆瓊瑤丹青還付龍眠
筆依稀風景輞川圖方今貞元廿四紀風雲變態生斯須曲突
徙薪誰得解含沙射影工萑苻力薄敢存精衛心憂深時效杞
人呼側身天地求樂土仙源已邈將焉如君今此地何瀟洒擊
壤鼓腹歌康衢煙雲嘯傲適幽性有山可採溪可漁徑欲從者
數畧夕買鄰王翰樂卜居高蹈泉石追曩哲詩賡伐木德不孤

新城貞烈女兒行 並叙

張文藻 或黃

咸丰乙卯九月的叛新城失守金氏七年十六歲被苗
得至三丙大塘地方女以酒解苗嬰而殺之自投水死
新城城破失王士九股生苗如環堵歲逢甲乙變忽生蟻聚蜂

屯鳴角鼓五月重圍至九秋賊眾兵單莫敢侮一朝巢覆任縱
橫鶴髮黃口屠戮苦卓哉金氏有女郎穎慧過人年三五一經
賊執腸九回欲脫牢籠身無羽翼賊賊在空殺身滿腔忿憤無
從吐雙眉蹙斷陰謀成彳亍隨行入村塢賊欲妻之巧致辭夷
漢婚姻有規矩且諏吉旦延賓朋地久天長堪比數賊聞女言
大歡欣女遂入厨調酒脯月挂藤蘿散鄰人燈火輝煌陳簋簠
慧心本是除賊師吞聲暫作醜酒燒飲醜止渴賊豈知一舉十
觴酣醜虜惟幄籌畫比英雄卧榻軒眠乃豺虎群動盡悉夜氣
清美人與兵嚴部伍寬袖數挽斧斤楊先劈頭顧後斷股已珍
渠魁念未消餘勇碎屍復可賈啟闕何待學雞鳴慷慨捐軀赴

施東縣志

藝文

一五二

水府清流數畝小荒塘月淡星稀沉媚嫵人誰無死死其宜烈
魄英風足千古靈媛全節誰其儔希光景仇今復覩烈性憤發
氣如虹密謀殺賊何從容自經溝瀆亦時有今女智勇真英雄
我今濡筆權記載留待他年付采風

義師行 並敘

張文藻 歲貢

咸豐乙卯苗叛有勝東楊通漢字梯雲者勇武能兵幼
讀書慕楊展之為人見苗勢益日大與垣光者友人吳
正國鄧世才楊友林等赴鎮遠稟請官府札示招募流
亡練團城禦賊而逆氛孔熾孤城逼近業穴通漢日則
自兵對壁夜則守衛登陴數月不懈六年正月十五日
大霧迷天十步之外僅以營遠時大河北岸金鐘山脚
一帶賊營相聯通漢謀乘機進攻至古崖燒殺數若賊
潰乘勝追至革冲又被數營忽狂風大作煙消日出力
薄兵單為賊瞥見因退南寨均南岸埋伏大股賊撥奔
至扼其要隘通漢留眾前進殺賊多人待糧不至饑甚

賊探知拼死力來逼漢手及
數賊與圍兵九十一人遇害

巖疆十城烽烟茫有苗蠢動干戈揚荼毒生靈毀廬蒸老轉溝
壑少流亡揚公豪俠素勇武自擊時艱夜起舞身率糾桓九十
人誓埽梟槍報大府日夕乘機窺敵壘突逢大霧欣然喜一軍
暗度賊不知傾巢擒渠在乎此志切殺賊忘死生滅此朝食火
漫舉指揮部署竹成胸前敵衝鋒皆勁旅命令密傳取次行匹
高身先抵賊營咸陽一炬燬方城苗嶺千山無聲乘勝猛攻
正搜捕無端日出開煙霧聚霧虛實賊偵知分頭攔截阻歸路
公怒據鞍振臂呼部位前驅口舌墮陷陣衝鋒勇益賈短兵接
處擲頭顱山夷紛然四面來風聲鶴唳滿山隈死亡枕藉猶酣

施東縣志

藝文

一三五

戰矢盡兵窮氣不催自朝自暮困重圍星殞前營力漸微姪兒
何在老友逝雙目閃爍死如歸從此猖獗歷年久戕官屠城險
失守主師一鼓慶昇平故地重經難回首吁嗟乎丈夫生宜死
沙場我何于公獨悽惶以公捐軀衛桑梓生前曾未荷恩光馬
革裹屍無時無我何于公獨歎歎以公身異委溝渠湮沒無人
為上書公兮公兮其瞑目會有輶軒來村谷他時青史永流芳
英魂烈魄自不沒

己未小春遊穿巖鳳泉寺題壁

張芬林

懸巖漏日極清幽喜值冬晴結伴遊詩卷酒瓢真灑脫山丘水
碓足勾留吟餘頓覺塵俱淨坐久方知景不侔怪底如來飛住

此崖上有飛煙霞養性百無憂

施秉縣志

藝文

五

施秉縣志校字表

| | | | | | | | | |
|----|-----|----|----|----|----|----|----|---|
| 卷次 | 頁次 | 行數 | 字數 | 原數 | 原作 | 現作 | 改備 | 註 |
| 一 | 十一 | 七 | 七 | 一八 | | 一千 | 增 | |
| 一 | 十九 | 九 | 五 | 城 | 破 | 縣城 | | |
| 一 | 廿六 | 十三 | 五 | 破 | 坡 | | | |
| 一 | 廿九 | 十八 | 十一 | 八七 | 七八 | | | |
| 一 | 四十 | 七 | 二 | 三 | 三百 | | | |
| 一 | 四十一 | 十五 | 十六 | 顧 | 僱 | | | |
| 一 | 四十八 | 五 | 一二 | 膏梁 | 高粱 | | | |
| 一 | 五十三 | 十三 | 三 | 村 | 材 | | | |

施秉縣志

校字表

一

| | | | | | | | | |
|----|-----|----|----|------|------|----|----|---|
| 卷次 | 頁次 | 行數 | 字數 | 原數 | 原作 | 現作 | 改備 | 註 |
| 一 | 五十六 | 十一 | 十二 | 洪 | 弘 | | | |
| 一 | 五十七 | 十二 | 十二 | 嘉靖 | 萬曆 | | | |
| 一 | 五十七 | 十八 | 五 | 嘉靖 | 萬曆 | | | |
| 一 | 五十八 | 二 | 五 | 嘉靖 | 萬曆 | | | |
| 一 | 五十八 | 十七 | 五 | 萬曆乙酉 | 天啟甲子 | | | |
| 一 | 五十九 | 九 | 一 | 置 | 署 | | | |
| 一 | 五十九 | 九 | 五 | 天啟 | 嘉靖 | | | |
| 一 | 五十九 | 十九 | 十九 | 文 | 開 | | | |
| 一 | 六十 | 十一 | 四 | 意 | 義 | | | |

卷次頁次行數字數原作現改備註

一 六十一 五 二一三 付事 副史

一 六十四 一 三 蕃 蕃

一 六十八 十三 黃泥菁 黃泥菁 原抄本漏入字

一 六十八 十三 十 乙酉 刑

一 七十 五 十一三 乙酉 刑

二 七十五 十九 十一三 至今 刑

二 七十六 八 二十 何 伺

二 七十六 十 十八 機 机 增「僅」字

二 八十一 一 一 此生子不育 此生子不育 增「僅」字

施秉縣志

校字表

二

卷次頁次行數字數原作現改備註

二 八十一 十 兩氏壩居 兩世壩居

二 八十四 五 壩 壩

二 八十五 十三 十一十二 勿厥 忽故

二 八十六 十四 五十六 澀浙 浙澀

二 八十八 十六 十一 如 始

二 九十 一 二十一 嶇崎 崎嶇

二 九十 四 二十三 須 始

二 九十 九 十八 必 壁

二 九十二 十二 三十四 偏 偏橋

卷次頁次行數字數原作現政備註

二 一三五 十九 十 翠 碎 據鎮遠府志

二 一三五 二十 十六 憶 棄 據鎮遠府志

二 一三七 十三 年叛六十一

二 一三七 十五 十三 軻 軻 年叛六十年一

二 一三九 十六 十六 炫 眩 眩

二 一三〇 七 年反六十一

二 一三二 五 八 輒 輒 年反六十年一

二 一三三 十七 十二 亦 益 陣 陣

二 一三二 二十 十 陣 陣

施秉縣志 校字表 云

卷次頁次行數字數原作現政備註

二 一三三 三 十五 屠 茶

二 一三三 四 十二 日 目

二 一三三 十七 九 冥 瞑